

M345: Augsburger Urkunden

- 0,1 ich Uolrîch der brukheie / hêrrn Dietbaldes des brukheien sæligen sun /
burgær ze Ougesburc tuon kunt allen den
0,2 die disen brieve an sehent / oder hoerent lesen / daz ich mit verdâhtem
muote / und mit guoter vorebetrachtunge / und mit
0,3 aller mîner erben / und vriunde râte / gunst / und guotem willen / einen
vlecken mînes boumgarten . der ze næhest
0,4 stoezet / an der geistlîchen vrouwen . der samenunge / ze sancte Niklaus
hier ze Ougesburc . eigen . dâ si selp mit wesen
0,5 inne sint / der mîn rehtez eigen ist gewesen . und als der selp vleck mit
marken ûz gezeichnet . und gemerket
0,6 ist . ze rehtem eigene verkoufet / und gegeben hân reht / und redelîche /
den vore genanten geistlîchen vrouwen . der samenunge /
0,7 ze sancte Niklaus . und allen iren nâchkomen . ze habenne . und ze
niezenne êwiclîche / und geruowiclîche / umbe
0,8 ahte pfunt guoter / und gæber Ougesburgær pfenninge / die ich bereite von
in dâr umbe entvungen hân / und an mînen
0,9 nutz geleit hân . und hân ich in den selben vlecken mînes vore geschriben
boumgartens . ûf gegeben / und hân mich
0,10 sîn verzigen vûre mich / und vûre alle mîn erben / und nâchkomen / als
man sich eigenes durch reht verzîhen sol
0,11 und als man ez ûf geben sol / nâch der stete rehte ze Ougesburc / und alsô
sol ich den vore genanten geistlîchen
0,12 vrouwen / den vore geschriben vlecken mînes boumgarten stæten / und
vertigen / und sol sîn / ire rehter gewer
0,13 sîn . vûre alle anesprâche / als man eigen durch reht stæten / und vertigen
sol nâch der stete rehte ze Ougesburc
0,14 und wûrde er in von iemanne anesprâche mit dem rehten / in den zilen /
als man eigen durch reht stæten / und
0,15 vertigen sol nâch der stete rehte ze Ougesburc / die selben anesprâche sûlen
/ ich / und mîn erben in verrihten /
0,16 und entloesen âne allen iren schaden / tæten wir des niht / swaz si der
selben anesprâche / denne schaden nement
0,17 den sûlen wir in gar / und genzlîche ab tuon / und gelten / âne allen krieg
/ und âne alle widerrede / daz
0,18 daz alsô stæte belîbe / und unzerbrochen dâr umbe gibe ich in disen brieve
versigelten / und gevestenet mit
0,19 der stete ze Ougesburc insigel . und mit mînem insigel diu beidiu dâr an
hangent des sint geziuge

- 0,20 hêrr Uolrîch der Ravenesburgær / und hêrr Kuonrât der Gollenhovær . die
dô burgermeister wâren / hêrr Heinrîch der
- 0,21 portenær hêrr Heinrîch der Stolzhirz / hêrr Kuonrât der lanc / hêrr Kuonrât
der Klockær / hêrr Kuonrât
- 0,22 der Welsær / und ander genuoc / der brief ist gegeben / dô man zalte von
Kristes geburt driuzehen
- 0,23 hundert jâr / und dâr nâch in dem sehsten und drîzigstem jâr / an dem
næhesten tage nâch sancte Valentînes
- 0,24 tage
- 0,1 ich Johannes der truhtsæze / von Walburc lantvoget in obern Swâben /
verjihe offênlîche an disem brieve / und tuon kunt allen
- 0,2 den / die in sehent / oder hoerent lesen / daz die êrbærn wîsen liute / die
râtgeben / und die gemeine / der stat ze Ougesburc
- 0,3 des geltes / daz in von den steten gemeinliche / die vore Mersburc lâgen /
ûf geleit wart / an der kost / und an dem bûwe
- 0,4 der vore Mersburc in des rîches dieneste / geschach / houbetguotes / und
schadens mich gar / und genzlîche verriht / und
- 0,5 gewert hânt / und sage si / und ire nâchkomen / des selben geltes / und
des schadens / der dâr ûf gegangen was /
- 0,6 vûrebaz ledic / und lôs / vûre mich / und vûre alle mîn erben / und des ze
einem wârn urkûnde / gibe ich in disen
- 0,7 brief versigelten mit mînem insigel / daz dâr an hanget der gegeben ist /
dô man zalte von Kristes gebûrte
- 0,8 driuzehen hundert jâr / und dâr nâch in dem sehsten / und drîzigsten jâr
/ an dem palmeâbende
- 0,1 ich Johannes der ziegelær burgær ze Ougesburc . und ich adelheit sîn wirtîn
/ tuon kunt allen den . die disen brief an sehent oder hoerent lesen . daz
wir mit verdâhtem muote
- 0,2 und mit guoter vorebetrachtunge . und mit aller unser erben . und vriunde
râte . gunst . und guotem willen . ûz unserm acker . des ahte jûchart sint
. der gelegen ist .
- 0,3 ûzerhalben der stat ze Ougesburc . oberhalbe dem Wagenhals . den ich
Johannes von mînem vater sæligen geerbet hân . und der unser rehtze eigen
ist . und stoezet
- 0,4 einhalben . an des Ræmen ecker . und anderhalp stoezet er . an des Stôzærs
ecker . und stoezet obenân . an der vrouwen von der Horbrügge ecker und
undene
- 0,5 stoezet er . ûf die strâze . ûz dem selben acker . als er iezunt mit marken
ûz bezeichent und gemerket ist / und ûz alliu diu / und dâr zuo gehoert /
haben wir
- 0,6 reht und redelîche verkoufet . und gegeben . ze rehtem eigene driu
pfunt guoter / und gæber Ougesburgær pfenninge geltes . den geistlîchen
vrouwen . swester Gêrtrûden .
- 0,7 der prîorîn . und gemeinlîche dem convende des klôsters ze sancte .
Ketrînen . in der stat ze Ougesburc . und allen iren nâchkomen . ze habenne
. und ze niezenne

- 0,8 êwiclîche / und geruowiclîche . umbe vier . und vûnvzic pfunt guoter und gæber Ougesburgær pfenninge . die wir bereite von in dâr umbe entvagen haben . und an
- 0,9 unsern . und unserr erben nutz geleit haben . und sulen wir oder unser erben . oder in swes gewalt der vore genant acker . und swaz dâr zuo gehoert / hinnen
- 0,10 vûre kumet . den geistlîchen vrouwen . des vore genanten klôsters ze sancte Ketrînen . die vore geschriben driu pfunt Ougesburgær pfenninge geltes . alliu jâr êwiclîche .
- 0,11 geben . ûf sancte Michels tac . oder in den nâhesten ahte tagen . dâ vore . oder in den nâhesten ahte tagen dâr nâch . âne allen iren schaden . und sweliches jârs
- 0,12 wir daz versæzen . daz wir in diu selben driu pfunt Ougesburgær pfenninge geltes niht gæben . ze dem zile / als dâ vore geschriben stât . sô ist in der vore genant
- 0,13 acker und swaz dâr zuo gehoeret / und swaz dâr ûf gebûwen ist . vûre ein ledigez und vrîez eigen / dâr umbe mit rehte zinsvellic worden . und vervallen . âne
- 0,14 allen krieg . und âne alle widerrede . und alsô sûlen wir und unser erben . der geistlîchen vrouwen . des vore genanten klôsters ze sancte Ketrînen der vore geschriben driu pfunde Ougesburgær pfenninge geltes reht geweren sîn / und sûlen ez in stæten . und vertigen vûre alle anesprâche . als man eigen durch
- 0,15 reht stæten . und vertigen sol . nâch eigenes rehte . und nâch des landes rehte . und wurden in diu vore geschriben driu pfunt Ougesburgær pfenninge geltes .
- 0,16 dâr über von iemende anesprâche mit dem rechten . in den zilen als man eigen durch reht stæten . und vertigen sol nâch eigenes rehte und nâch des landes rehte . die selben anesprâche sulen wir / und unser erben in verrihten und entloesen âne allen iren schaden tæten wir des niht . swaz si der selben anesprâche denne schaden nement / den sulen wir in gar . und genzlîche / ab tuon . und gelten . âne alle kriege . und âne alle widerrede . man
- 0,17 sol . ouch wizzen / daz die vore genanten geistlîchen vrouwen . des klôsters ze sancte Ketrînen / und ire nâchkomen . diu vore geschriben . driu pfunt Ougesburgær pfenninge
- 0,18 geltes . alliu jâr êwiclîche der stat ze Ougesburc . sûlen verstiuren nâch der stete rehte . ze Ougesburc . wær ouch . daz in der vore genant acker zinsvellic
- 0,19 würde umbe die selben . driu pfunt Ougesburgær pfenninge geltes . sô sûlen si niur den acker verstiuren . und diu driu pfunt pfenninge geltes
- 0,20 niht . daz daz alsô stæte belîbe und unzerbrochen . dâr umbe geben wir in disen brief versigelten mit der stete ze Ougesburc insigel daz dâr an hanget
- 0,21 .
- 0,22 des sint geziuge hêrr Herbort . und hêrr Kuonrât . der Welsær . die dô burgermeister wâren . hêrr Heinrîch der portenær . hêrr Kuonrât der lanc

- 0,25 hêrr Kuonrât / und hêrr Heinrîch die Herborten . hêrr Kuonrât der
Ânesorge / und ander genuoc der brief ist gegeben . dô man zalte von
Kristes gebürte
- 0,26 driuzehen hundert jâr . und dâr nâch in dem sehsten und drîzigstem jâr .
an dem nâhesten donerstage vore sancte Ketrînen tage .
- 0,1 wir Kuonrât von gotes verhengunge abbet / hêrr Êgelolv der prîor / und
der convent gemeinliche des
- 0,2 goteshûses . sancte Uolrîches / und sancte Afren ze Ougesburc / verjehen
offenliche an disem brieve / und tuon
- 0,3 kunt allen den / die disen brief an sehent oder hoerent lesen / umbe die
missehellunge / und umbe den
- 0,4 krieg der eteswie lanc gewesen ist / zwischen unser . und unserm goteshûse
von einem teile / und zwischen
- 0,5 Uolrîches des junchêren . meisters des spitâls ze Ougesburc / und der
samenunge / des selben spitâls
- 0,6 von dem andern teile alsô / daz wir wölten daz si uns / und unserm
gotesshûse von allen den guoten
- 0,7 die daz vore genant spitâl hât ligente / hier ze Ougesburc in der stat / und
vore der stat jenent Leches
- 0,8 und hier disunt Leches . hæten den zehenden gegeben . und daz der vore
genant meister / und die
- 0,9 samenunge / des spitâls sprâchen . si sölten uns keinen zehenden geben .
die missehellunge . und
- 0,10 den krieg / der wir beidenthalben dâr umbe mit einander gehabet haben .
haben wir mit guotem willen gelâzen /
- 0,11 an hêrrn Ruodolven von Huorenheim tĒchan ze dem tuome hier ze
Ougesburc .. an meister Arnolden
- 0,12 den liutpriester ze dem tuome . an meister Uolrîchen den hovemeier / und
an hêrrn Rüdegêrn / den Langemantel .
- 0,13 als an reht schideliute / und gelobeten . und gehiezen in mit unsern triuwen
/ swie si ünser umbe die
- 0,14 sache mit dem meister / und mit der samenunge des vore genanten spitâls
/ verrihten . und verschieden . daz
- 0,15 wir daz gerne wölten stæte hân . und daz wir dâ wider niemer ihtez getuon
wölten / weder mit worten . noch
- 0,16 mit werken . weder mit geistlichem / noch wereltlichen rehten . noch mit
keiner leie andern sachen . und
- 0,17 alsô habent uns die vore genanten hêrrn liepliche / und vriuntliche umbe
die vore geschriben sache / mit einander
- 0,18 gar / und genzlîchen verriht und verscheiden . daz der ob genant meister .
oder swer denne des vore genanten
- 0,19 spitâls meister ist . und diu samenunge . des spitâls / ünser / und unserm
gotesshûse / vürebaz êwiclîch elliu
- 0,20 jâr . geben sulen ein scheffel roggen / und einen scheffel habern
Ougesburgær mezzes . zwischen sancte Michels
- 0,21 tage . und sancte Gallen tage . und sülen dâ mit vürebaz êwiclîchen alles
zehentes . gein uns . und

- 0,22 gein ünsererm goteshûse . ledic sîn alsô / daz si ünser / noch ünserern
nâchkomen von allen iren guoten / die
0,23 si hânt ligente hier ze Ougesburc . in der stat / oder ûzerhalben . der stat
/ si ligent jenent Leches .
0,24 oder hier disunt Leches . ez sîen hiuser . garten . enger . wisemât / holz /
ecker . besuocheten / und
0,25 unbesuocheten / swie si geheizen sint / die si selp iezunt in nutze und in
gewer inne hânt / oder swer
0,26 si von iren wegen iezuo inne hât niemer mêr keinen zehenden sülen geben
. und sülen ouch wir
0,27 noch unser nâchkomen . vürebaz keinen zehenden . von den selben guoten
an si vordern / noch muoten
0,28 und des ze einem wâren urkünde geben wir in disen brief versigelten mit
unsern beiden insigeln .
0,29 und mit der geistlîchen rihtær ze Ougesburc insigel . die elliu dâr an
hangent / des sint geziuge
0,30 hêrr Uolrîch der kuster . hêrr Albreht von Atrenbiuren hêrr Berhtolt der
Sumertöckel / hêrr Uolrîch
0,31 der Winkelær / hêrr Reinhart der vuhs . hêrr Johannes von Vischach .
priester . und hêrren ünserers
0,32 convendes . hêrr Herbort . und hêrr Kuonrât der Welsær . die dô der stete
ze Ougesburc pflegær wâren .
0,33 hêrr Rüedegêr / der Langemantel . hêrr Kuonrât der lanc / hêrr Pêter und
hêrr Kuonrât die minner und
0,34 ander genuoc ditz geschach . dô man zalte von Kristes gebürte driuzehen
hundert jâr . und dâr nâch
0,35 in dem sibenden . und drîzigsten jâr . an dem næhesten vrîtage nâch
sancte Mathias tage
0,1 ich Uolrîch der junchêrr / meister des spitâls ze Ougesburc / und wir diu
samenunge des selben spitâls
0,2 überal / verjehen offênliche an disem brieve / und tuon kunt allen den die
in lesent . sehent oder hoerent
0,3 lesen . umbe die missehellige . und umbe den krieg / der eteswie lanc
gewesen ist . zwischen unser / und des
0,4 spitâls von einem teile / und zwischen des abbetes . und des convendes .
des goteshûses ze sancte Uolrîch /
0,5 und sancte Afren . ze Ougesburc / von dem andern teile / alsô / daz si
sprâchen . und wolten / daz wir in / und
0,6 irem goteshûse . von allen den guoten / die daz spitâl . hât ligente . hier ze
Ougesburc . in der stat / und
0,7 vore der stat . jenent Leches . und hier disunt Leches hæten den zehenden
gegeben . und daz wir dâ wider
0,8 sprâchen . wir sölten in keinen zehenden geben / die missehellige / und
den krieg / den wir beidenthalben .
0,9 dâr umbe mit einander gehabet haben . haben wir mit guotem willen .
gelâzen . an hêrrn Ruodolven von Huorenheim
0,10 tÉchan ze dem tuome ze Ougesburc . an meister Arnolden . den liutpriester
. ze dem tuome / an meister Uolrîchen

- 0,11 den hovemeier / und an den hêrrn Rüedegêrn / den Langemantel . als an
reht schideliute / und gelobeten . und gehiezen .
- 0,12 in mit ünserern triuwen / swie si ünser umbe die sache mit dem abbete .
und mit dem convende / des vore
- 0,13 genanten goteshûses ze sancte Uolrîch verrihten / und verschieden . daz
wir daz gerne wölten stæte hân . und
- 0,14 daz wir dâ wider niemer ihtez getuon wölten / weder mit worten . noch
mit werken . weder mit geistlîchem oder
- 0,15 mit wereltlîchem rehten / noch mit keiner leie andern sachen . und alsô
habent ünser / die vore genanten hêrrn . lieplîche
- 0,16 und vriuntlîche umbe die vore geschriben sache / mit einander gar . und
genzlîche verriht / und verscheiden /
- 0,17 daz ich vore genanter meister / oder swer denne / des vore genanten spitâls
meister ist . und diu samenunge
- 0,18 des spitâls . dem vore geschriben goteshûse ze sancte Uolrîch . vürebaz
êwiclîche alliu jâr . geben sülen einen
- 0,19 scheffel roggen . und einen scheffel habern Ougesburgær mezzes . zwischen
sancte Michels tage . und sancte
- 0,20 Gallen tage . und sülen ouch wir dâ mit vürebaz êwiclîchen . alles zehenden
gein in / und gein irem
- 0,21 goteshûse ledic sîn / alsô daz wir / und unser nâchkomen . von allen den
guoten . die daz spitâl ligente
- 0,22 hât in der stat ze Ougesburc . oder ûzerhalben der stat / si ligen / jenent
Leches . oder hier disunt Leches
- 0,23 ez sîen / hiuser . garten . enger / wisemât . holz / ecker . besuocheten .
und unbesuocheten / swie si geheizen
- 0,24 sint / die wir selp iezuo in nutze . und in gewer inne haben / oder swer si
von unsern wegen iezuo
- 0,25 inne hât . vürebaz niemer mêr keinen zehenden sülen geben und sülen ouch
si / noch ire nâchkomen /
- 0,26 vürebaz keinen zehenden . von den selben guoten an ünser vordern / noch
muoten / und des ze einem
- 0,27 wâren urkunde / geben wir in disen brieve versigelten . mit der geistlîchen
rihtær ze Ougesburc insigel .
- 0,28 – . und mit des spitâls insigel . diu beidiu dâr an hangent . des sint geziuge
bruoder Heinrîch der wagenær /
- 0,29 bruoder Uolrîch der vuhs / bruoder Heinrîch der leimær / bruoder
Marcwart / und bruoder Heinrîch der Ascheimer / ünserers
- 0,30 spitâls gebrüeder / und ander erbær liute genuoc / der brieve ist gegeben .
dô man zalte von Kristes gebürte driuzehen
- 0,31 hundert jâr / und dâr nâch in dem sibenden / und drîzigesten jâr / an dem
næhesten vrîtage / nâch sancte Mathias
- 0,32 tage
- 0,1 wir die râtgeben der stat ze Ougesburc . tuon kunt allen den / die disen brieve
an sehent oder hoerent lesen . daz meister Uolrîch der Nifnach ünsererr
- 0,2 stat gesworener zimberman kom ûf daz dinchûs vüre ünser in die râtstuben
. dâ der râtgeben . der mêrer teil engagen was . und klagete von

- 0,3 sîn selbes wegen . und von der hêrren von sancte Mauritien wegen . hin ze
 0,4 Vriderîchen dem apotêker burgær hier ze Ougesburc . und leite vûre mit
 vûresprechen / und sprach . ez hæte Vriderîch der apotêker . ein mûr . an
 sîner hovesache . diu ze nâhest stoezet an des Nifnaches hovestat . diu sîn
 lîpdinc
 0,5 ist von den hêrren von sancte Mauritien . und diu selp mûr wære gesunken
 . und hienge als vaste gein sîner hovestat daz er sîn gezimber .
 0,6 dâ mit er sîn hovestat bûwen wölte / niht möhte ûf gerihten . noch setzen
 . als er billîche solte / dâr zuo klagete er / ez hæte Vriderîch der apotêker
 0,7 ûf der selben mûr . einen nuosch ligente . und der selp nuosch læge ze
 vaste vore der mûr / und hienge ze vaste ûf sîn lîpdinc
 0,8 und begerte mit gerihte . und mit urteil ze ervaren . im sölte Vriderîch der
 apotêker . sîn gesunken hangenten mûr . billîche rûmen .
 0,9 daz in diu selp mûr . an sînen bûwe niht möhte geirren . und er sölte ouch
 sînen nuosch billîche legen ûf sîn eigen . daz er vûrebaz
 0,10 ûf daz sîn iht hienge . der klage . und der anesprâche . antwurte der vore
 genant Vriderîch der apotêker . ouch mit vûresprechen / und sprach . er
 0,11 wolte den nuosch / dâr umbe der vore genant meister Uolrîch der Nifnach
 . hin ze im geklaget hête gerne legen . ûf daz sîn / nâch der zimberliute
 râte .
 0,12 die der stat ze Ougesburc gesworen hânt / er wolte aber sîn mûr / dâr umbe
 er ouch hin ze im geklaget hête . haben . und niezen . als er si biz
 0,13 her gehabet und genozzen hête . und wolte im dâr an nihtesniht rûmen .
 wan er si alsô langer in nutze / und in gewer her brâht hête . denne der
 0,14 stete ze Ougesburc reht wær . dâr zuo klagete ouch Vriderîch der apotêker .
 ez hæte der vore genant Nifnach . und sîn nâchgebiurîn diu ambetmennîn
 0,15 ûf iren hovesachen . die ire lîpdinc sint von den hêrren von sancte Mauritien
 zwuo privête / und die selben

UAugsb26,1515 stüenten

- 6b26,15 sînem eigene ze nâhen ./ und
 6b26,16 von der selben privête wegen . wære sîn mûr gesunken . und begerte . si
 sölten die selben privête billîche verrer von sînem eigene setzen . dô
 6b26,17 si beidenthalben ire rede alsô vûre hæten geleit . dô vrâgeten wir beide teile
 / ob si sich beidenthalben . wolten lâzen genüegen / und stæte wolten
 6b26,18 haben . waz wir ûf unser eide . nâch ir beider vûrelegunge / umbe die sache
 . erteilten . daz gelobeten uns beide teile . mit iren triuwen in eides
 6b26,19 wîse / und sprâchen . swaz wir alle . oder der mêrer teil under uns . umbe
 die sache . als si mit vûresprechen vûre hêten geleit . ûf ünserer eide
 6b26,20 erteilten . daz si sich des gerne wolten lâzen genüegen / und daz si ez gerne
 wolten stæte hân / und alsô erteiltet wir alle gemeinliche ûf ünserer eide .
 6b26,21 wan Vriderîch der apotêker . sîn mûr . als si iezuo ist . dâr umbe meister
 Uolrîch der Nifnach . hin ze im geklaget hête . langer in nutze / und
 6b26,22 in gewer her brâht hête . denne diser stete ze Ougesburc reht wær . er sölte
 ouch die selben mûr vûrebaz alsô billîche haben . und niezen .
 6b26,23 und dâr an solte in meister Uolrîch der Nifnach . noch die hêrren von
 sancte Mauritien . noch iemant anders nihtes engen . noch irren mit

- 6b26,24 keinen sachen . und wölte meister Uolrîch der Nifnach . ûf sîn hovestat
 ihtesiht bûwen . daz sölte er tuon / und sölte bûwen ûf daz sîn Vriderîchen
 6b26,25 dem apotêker âne schaden . wir erteilten ouch . daz Vriderîch der apotêker
 . den nuosch / der ûf sîn vore geschriben mûr . gein des
 6b26,26 Nifnaches hovesache gelegen ist / nâch der stete hier ze Ougesburc .
 gesworener wercliute râte . sölte legen ûf daz sîn / und swaz der stete
 wercliute /
 6b26,27 zimberliute / und mûrær . dâr umbe seiten . wie der selp nuosch sölte ligen
 . des sölten . si sich beidenthalben lâzen genüegen / und sölte ouch der
 6b26,28 selp nuosch / swie er nâch der selben wercliute râte iezuo geleit würde
 vürebaz alsô belîben . und ligen . dâr nâch erteilten wir / umbe
 6b26,29 die privête . diu die emmennin / und der vore genant meister Uolrîch der
 Nifnach . habent . ûf iren hovesachen / daz die selben privête
 6b26,30 vürebaz alsô belîben sülen / als si iezuo sint / wan si ez alsô in nutze . und
 in gewer langer her brâht hânt / denne diser stete ze Ougesburc
 6b26,31 reht ist . und dô dise urteile mit dem rehten alsô gevallen wâren . dô begerte
 Vriderîch der apotêker . man solte im ditz gerihtes .
 6b26,32 und diser urteile billîche einen brieve geben . der wart im erteilt / und daz
 diser urteile vürebaz niht vergezzen werde . dâr umbe geben
 6b26,33 wir disen brieve versigelten / mit unserr stete insigel . daz dâr an hanget .
 der brieve ist gegeben . dô man zalte von Kristes gebûrte
 6b26,34 driuzehen hundert jâr . und dâr nâch in dem sibenden und drîzigesten jâr
 / an sancte Bartholomeus âbende
- 7b26,1 ich . Uolrîch der Ilsunc / Kuonrâtes des Ilsunges sæligen sun burgær ze
 Ougesburc . tuon kunt allen den / die disen brieve an sehent
 7b26,2 oder hoerent lesen . daz ich mit verdâhtem muote . und mit guoter
 vorebetrachtung . und mit aller mîner erben . und vriunde
 7b26,3 râte / gunst / und guotem willen . drî zehenden ze Kissingen und der einer
 gât ûz dem hove den . der Wismeier dâ
 7b26,4 bûwet . und der selp hov ist des veteren von Werde . und der ander zehende
 gât ûz des tuombrobestes hove ze Ougesburc . den
 7b26,5 der Gletzlîn ze Kissingen dâ bûwet . sô gât der drit zehende ûz dem hove
 den die vrouwen . des klôsters ze sancte
 7b26,6 Ketrînen . hânt ze Kissingen . den der Brû^ninc dâ bûwet . die mîn lêhen
 sint gewesen von dem bischtuome ze Ougesburc .
 7b26,7 mit allen den rehten und nützen / und die selben zehenden geltent kleine
 / und grôz . besuochet / und unbesuochet / und als
 7b26,8 ich si in nutze . und in gewer her brâht hân / reht . und redelîche verkoufet
 . und gegeben hân . mînem lieben swâger Kuonrâten
 7b26,9 dem Glaner burgær ze Ougesburc . vrouwen Ketrînen mîner swester sîner
 wirtîn / und allen iren erben . oder
 7b26,10 swem si ez gebent / schaffent . oder lâzent ze habenne . und ze niezenne .
 êwicliche / und geruowicliche . ze rehtem lêhene . umbe
 7b26,11 sehtzic pfunt . guoter / und gæber Ougesburgær pfenninge / die ich bereite
 von in dâr umbe entvungen hân . und an mînen
 7b26,12 nutze geleit hân / und hân in die selben zehenden . mit guotem willen ûf
 gegeben . in mînes genædigen hêrren bischofes

- 7b26,13 Heinrîches von Ougesburc . hant . und hân geschaffet . daz er mînem vore
 7b26,14 genanten swâger Kuonrâten dem Glaner . und sînen
 7b26,15 erben die selben zehenden ze rethem lêhene hât gelihen . und hân mich der
 7b26,16 selben zehenden verzigen mit gelêrten
 7b26,17 worten . und verzîhe mich offenlîche mit disem brieve . vûre mich . und
 7b26,18 alle mîn erben . aller der rehte . die wir dâr an gehabet
 7b26,19 haben / oder wânten ze habenne . als man sich lêhenes durch reht verzîhen
 7b26,20 sol . und als man ez ûf geben sol . nâch lêhenes
 7b26,21 rehte . und nâch der stete rehte ze Ougesburc / und alsô sol ich mînes vore
 7b26,22 genanten swâgers Kuonrâtes des Glaners
 7b26,23 und aller sîner erben . der vore geschribenen drîer zehenden rechter gewer
 7b26,24 sîn und sol si in stæten . und vertigen vûre alle
 7b26,25 anesprâche . als man lêhen durch reht stæten . und vertigen sol . nâch
 7b26,26 lêhenes rehte / und nâch des landes
 7b26,27 rehte . und dâr umbe setze ich in / ze rechter gewerschaft mîn dritteil des
 7b26,28 hûses . und hovesache . dâ mîn vater sælic .
 7b26,29 mit wesene inne was . und daz mich ze erbeschafft nâch mînes vaters sæligen
 7b26,30 tôde ist an gevallen . mit der bescheidenheit .
 7b26,31 ob in die . selben zehenden . ir einer oder mêr . von iemende anesprâche
 7b26,32 würden mit dem rechten . in den
 7b26,33 zilen . als man lêhen durch reht stæten . und vertigen sol . nâch lêhenes
 7b26,34 rehte und nâch des landes rehte / die
 7b26,35 selben anesprâche . sûlen ich . oder mîn erben . in verrihten . und entloesen
 7b26,36 âne allen iren schaden . tæten wir des niht .
 7b26,37 swaz si der selben anesprâche denne schaden næmen . den selben schaden
 7b26,38 sûlen ich . und mîn erben in allen gar .
 7b26,39 und genzlîchen ab tuon / und gelten âne allen krieg / und âne alle widerrede
 7b26,40 . dâr zuo sûlen si des selben schadens gewarten .
 7b26,41 hin ze mînem vore geschriben dritteile des vore geschribenen hûses . und
 7b26,42 hovesache . und sol daz dâr umbe ire
 7b26,43 rehtez pfant sîn / und sûlen dâ mit tuon / und schaffen . nâch pfandes
 7b26,44 rehte dâ mit si des schadens den si der anesprâche
 7b26,45 genomen hânt / gar und genzlîche verriht . und gewert mûgen werden .
 7b26,46 daz daz alsô stæte belîbe . und unzerbrochen .
 7b26,47 dâr umbe gibe ich in disen brieve versigelten mit der stete ze Ougesburc
 7b26,48 insigel . daz die burgær durch mîn bete dâr an
 7b26,49 hânt gehangen . des sint geziuge hêrr Kuonrât der Klockær . und hêrr
 7b26,50 Heinrîch der Herbort . die dô burgermeister
 7b26,51 wâren . hêrr Heinrîch der portenær . hêrr Heinrîch der Stolzhirz / hêrr
 7b26,52 Kuonrât der lanc / hêrr Kuonrât der Gollenhovær .
 7b26,53 und ander genuoc / der brieve ist gegeben . dô man zalte von Kristes gebûrte
 7b26,54 driuzehen hundert jâr . und
 7b26,55 dâr nâch in dem sibenden . und drîzigesten jâr . an dem næhesten mæntage
 . nâch aller heiligen tage
- 8b26,1 ich Mehthilt von Hoy . hêrrn Johannesen von Hoy sæligen witewe
 burgærîn ze Ougesburc . tuon kunt allen den / die disen brieve an sehent .
 oder hoerent

- 8b26,2 lesen . daz ich nâch mînes wirtes sæligen tôde . in grôze gûlte gevallen was
/ die ich kristenen / und juden muoste gelten . und wan ich niht
- 8b26,3 bereitschaft hête . dâ mit ich diu selben gûlte mōhte vergelten . dô hête
ich rât . hêrrn Heinrîches des Herborten . der dô mîn pflegær was . und
mînes
- 8b26,4 lieben tohtermannes Rüedegêrs des Langemantels / und ander mîner
vriunde . und bat si durch ire triuwe / daz si mir rieten . wie ich mit
dem
- 8b26,5 minnesten schaden mōhte vergelten . die rieten mir alle . wan ich niht
varendes guotes noch bereitschaft hête / dâ mit ich vergelten mohte
- 8b26,6 daz mir bezzer / und nützelicher wær . daz ich eteslîchiu mîniu ligentiu
guot an grife / und diu verkoufete / und mînen geltæren dâ mit gûlte / êr .
- 8b26,7 der schade ze grôz würde / dâr zuo muoste ich gân . an offenez geriht /
vüre den voget / und vüre den burcgrâven und vüre die burgær und
- 8b26,8 muoste behaben mit mînem starken eide daz ich niht bereitschaft . noch
varendes guotes hæte . dâ mit ich mōhte vergelten die gûlte die
- 8b26,9 ich nâch mînes wirtes tôde . mînen geltæren muoste gelten . und daz ich
niht überic mōhte werden . ich müeze dâr umbe eteslîchiu mîniu ligentiu
- 8b26,10 guot / an grîfen . und verkoufen . und alsô hân ich mit verdâhtem / und
mit guoter vorebetrachtunge . und mit Elisabeten mîner tochter / mit
- 8b26,11 Christoffeln . mînes sunes / mit Rüedegêrs des Langemantels mînes
tohtermannes . und mit Heinrîches des Herborten mînes pflegærs . und
mit
- 8b26,12 ander mîner vriunde râte / gunst / und guotem willen . einen vleischbanc
der hier ze Ougesburc . under den nidern vleischbanken ist gelegen . den
- 8b26,13 Wernher der Wisent von mir hât ze vier lîben als sîn hantveste seit . die er
von mir dâr über inne hât . und ein gadem / daz an den
- 8b26,14 selben vleischbanc stoezet . diu beidiu . vleischbanc . und gadem . mîn
reht eigen sint gewesen . mit allen den rehten . und nützen / als ich
- 8b26,15 den selben vleischbanc und gadem in nutze / und in gewer her brâht hân .
reht und redelîche verkoufet . und gegeben hân . juncvrouwen
- 8b26,16 Mehthilten . der Langementelîn burgærîn ze Ougesburc . oder swem si
den selben vleischbanc / und gadem / gît / oder lât . ze habenne . und / ze
- 8b26,17 niezenne . ze rehtem eigene . êwiclîche / und geruowiclîche . umbe einez .
und zweinzic pfunt guoter Ougesburgær pfenninge . die ich bereite von
- 8b26,18 ir dâr umbe entvungen hân . und dâ mit ich mînen geltæren vergolten hân
. als verr als die selben pfenninge mehten gereichen . und
- 8b26,19 hân ir den selben vleischbanc . und gadem ûf gegeben . und hân mich sîn
verzigen mit gelêrten Worten . und verzîhe mich offenlîche
- 8b26,20 mit disem brieve vüre mich / und vüre alle mîn erben . aller der rehte . diu
wir dâr an gehabet haben . oder wântten ze habenne . als man
- 8b26,21 sich eigenes durch reht verzîhen sol . und als man ez ûf geben sol . nâch
eigenes rehte . und nâch der stete rehte ze Ougesburc . und
- 8b26,22 alsô sol ich und alle mîn erben des vore geschribenen vleischbankes . und
gademes der vore genannten juncvrouwen Mehthilten der
- 8b26,23 Langementelîn / reht geweren sîn / und sülen ez in stæten . und vertigen
vüre alle anesprâche . als man eigen durch . reht stæten .

- 8b26,24 und vertigen sol . nâch der stete rehte ze Ougesburc und würde ir der vore
geschriben vleischbanc . und gadem . oder swaz dâr
- 8b26,25 zuo gehoert dâr über von iemande anespræche mit dem rehten . in den zilen
/ als man eigen durch reht stæten . und vertigen sol .
- 8b26,26 nâch der stete rehte ze Ougesburc . die selben anespræche sülen ich / und
mîn erben ir . oder swem si in gît scheffet . oder lât . verrihten .
- 8b26,27 und entloesen âne allen iren schaden tæten wir des niht swaz si der selben
anespræche denne schaden nement den selben schaden
- 8b26,28 sülen / wir in allen gar und genzlîchen . ab tuon und gelten âne allen
schaden und âne allen krieg . und âne alle widerrede .
- 8b26,29 daz daz alsô stæte belîbe und unzerbrochen dâr umbe gibe ich ir disen brief
versigelten und gevestenet mit der stete ze Ougesburc
- 8b26,30 insigel . daz die burgær durch mîn bete dâr an hânt gehangen . des sint
geziuge hêrr Kuonrât der Klockær und hêrr
- 8b26,31 Heinrîch der Herbort die dô burgermeister wâren hêrr Heinrîch der
portenær . hêrr Kuonrât der lanc / hêrr Kuonrât der
- 8b26,32 Gollenhovær . hêrr Kuonrât der Welsær . hêrr Kuonrât der Ânesorge und
ander genuoc der brief ist gegeben . dô man zalte von
- 8b26,33 Kristes gebürte driuzehen hundert jâr und dâr nâch in dem sibenden . und
drîzigsten jâr . an dem nâhesten vrîtage vore
- 8b26,34 sancte Andres tage
- 9b26,1 ich Anne diu Langementelîn . hêrrn Heinrîches des Langemantels sæligen
witewe . burgærîn ze Ougesburc . tuon kunt . allen den die disen
- 9b26,2 brief an sehent . oder hoerent lesen . daz ich mit verdâhtem muote / und
mit guoter vorebetrachtunge . und mit aller mîner kinde und vriunde .
- 9b26,3 râte gunst und guotem willen . drîzehen schillinge . Ougesburgær
pfenninge geltes . die ich ze rehtem eigene jærgelîchen gûlte gehabet .
- 9b26,4 hân ûz vrouwen Agnesen . der Nördlingærîn hûse und hovestat . daz
gelegen ist . ûzerhalben der stat . vore Striuwingær tore .
- 9b26,5 hier ze Ougesburc . an der Sehsîn gazzen . zwischen des Ladmatingærs .
hûse / und hovesache . und der Oespîn hovesache . reht . und
- 9b26,6 redelîche verkoufet . und gegeben . hân / ze rehtem eigene / in die kusterîe
ze sancte Uolrîch / hier ze Ougesburc . mit der bescheidenheit .
- 9b26,7 daz vrouwe Agnes diu Nördlingærîn und ire erben . oder in swes gewalt .
ire vore geschribenez hûs . und hovestat . hinnen vûre
- 9b26,8 kumet . ûz dem selben hûse . und hovestat . alliu jâr . dem kuster ze sancte
Uolrîch swer danne kuster ist . die vore geschriben
- 9b26,9 drîzehen schillinge Ougesburgær pfenninge geben sülen ûf sancte Michels
tac . oder in den nâhesten ahte tagen dâ vore . oder
- 9b26,10 in den nâhesten ahte tagen dâr nâch und sweliches jârs si daz versæzen .
sô ist der kusterîe ze sancte Uolrîch . daz selp hûs .
- 9b26,11 und hovestat . und swaz dâr zuo gehoert dâr umbe mit rehte zinsvellic
worden . und vervallen . âne allen krieg . und âne alle
- 9b26,12 widerrede und der vore geschribenen drîzehen schillinge pfenninge geltes .
hânt gekoufet . und vergolten zehen schillinge
- 9b26,13 pfenninge geltes . Uotz under dem berge . von Inningen und der Heckel .
des meiers bruoder von Hûsteten . und Herman

- 9b26,14 des meiers sun von Inningen und hânt dâr umbe gevrumet ein êwigez lieht
. daz êwiclîche brinnen sol ûf sancte
- 9b26,15 Afren altær hier ze Ougesburc . ze einer bezzerunge . umbe den tôtslac den
si an Kuonrâten dem Memmingen sæligen getân
- 9b26,16 hânt . und hânt mir dâr umbe gegeben einliv pfunt guoter / und gæber
Ougesburgær pfenninge und die überigen drî schillinge
- 9b26,17 Ougesburgær pfenninge geltes . hât gekoufet hêrr Uolrîch der bart . der dô
kuster was ze sancte Uolrîch / und hât mir dâr umbe
- 9b26,18 gegeben vierdehalp pfunt Ougesburgær pfenninge / und alsô bin ich von
beiden teilen / gar und genzlîche verriht . und gewert
- 9b26,19 vûnvzehentehalp pfunt Ougesburgær pfenninge . die ich an mînen . und
mîner erben nutz geleit hân . und hân die vore geschriben
- 9b26,20 drîzehen schillinge . pfenninge geltes . der kusterîe ze sancte Uolrîch mit
guotem willen ûf gegeben . und hân
- 9b26,21 mich ir verzigen mit gelêrten Worten . und verzihe mich offênlîche mit
disem brieve . vûre mich und vûre alle mîn
- 9b26,22 erben / aller der rehte diu wir dâr an gehabet haben . oder wântên . ze
habenne . als man sich eigenes durch reht verzihen
- 9b26,23 und als man ez ûf geben sol . nâch der stete rehte ze Ougesburc . und alsô
sol ich der vore geschribenen drîzehen schillinge
- 9b26,24 pfenninge geltes . der kusterîe ze sancte Uolrîch rehtiu gewer sîn . und sol
si der kusterîe stæten . und vertigen vûre alle
- 9b26,25 anesprâche als man eigen durch reht . stæten . und vertigen sol . nâch der
stete rehte . ze Ougesburc . und würden die selben
- 9b26,26 drîzehen schillinge pfenninge geltes / der kusterîe ze sancte . Uolrîch von
iemande anesprâche . mit dem rehten . in den zilen .
- 9b26,27 als man eigen durch reht stæten . und vertigen sol . nâch der stete rehte ze
Ougesburc die selben anesprâche sûlen ich /
- 9b26,28 und mîn erben / der kusterîe entloesen / und ûz rihten . âne allen iren
schaden . tæten wir des niht swaz denne diu kusterîe
- 9b26,29 der selben anesprâche . schaden næme . den selben schaden sulen / ich .
und mîn erben . der kusterîe ze sancte Uolrîch . gar . und
- 9b26,30 genzlîchen ab tuon / und gelten . âne allen krieg / und âne alle widerrede .
daz daz alsô stæte belîbe und unzerbrochen .
- 9b26,31 dâr umbe gibe ich der kusterîe disen brieve versigelten . und gevestenet .
mit der stete ze Ougesburc insigel . daz dâr an hanget .
- 9b26,32 des sint geziuge . hêrr Kuonrât der Klockær . und hêrr Heinrîch der
Herbort . die dô burgermeister wâren . hêrr Heinrîch
- 9b26,33 der portenær . hêrr Kuonrât der lanc . hêrr Kuonrât der Gollenhovær / hêrr
Johannes der Welsær . hêrr Pêter der
- 9b26,34 minner . und ander genuoc . der brieve ist gegeben . dô man zalte Kristes
gebûrte driuzehen hundert jâr und
- 9b26,35 dâr nâch in dem ahtenden und drîzigsten jâr . an dem næhesten tage .
nâch sancte Paules tage . als er bekêrt wart .
- 10b26,1 ich Kuonrât der Dahs burgær ze Ougesburc / und ich Gêtrût sîn wirtîn /
verjehen / und tuon kunt allen den / die disen brieve an sehent .

10b26,2 oder hoerent lesen / daz wir mit verdâhtem muote / und mit guoter
 vorebetrachtunge . und mit aller unserr kinde râte . und willen / an
 10b26,3 den guoten / diu her nâch benennet . und geschriben stânt . daz ist / an
 dem steinhûse . und hovesache . dâ Johannes der Dahs / mîn Kuonrâtes
 10b26,4 des Dahsen veter / iezuo mit wesene inne ist . daz wilent des Talmeizingærs
 was . und ein hov ze Harthûsen . den Walther der
 10b26,5 Vlanderær dâ bûwet / und driu pfunt Ougesburgær pfenninge geltes . und
 ahtzic pfenninge / diu wir / und Johannes der Dahs koufeten . ûz dem
 10b26,6 juden hûse . daz iezuo ist . Isaakes des lambes sun . daz gelegen ist zwischen
 Marcwartes des Begozzenbrôtes hûse / und hovesache . und
 10b26,7 Köpflînes des juden / hûse . und hovesache . und ein halp pfunt
 Ougesburgær pfenninge geltes . daz wir / und Johannes der Dahs ouch
 mit
 10b26,8 einander koufeten ûz einem hûse . und hovesache . daz hier ze Ougesburc
 gelegen ist . ze næhest bî des blanken mûle / an dem vore geschribenen
 10b26,9 steinhûse . und hovesache und an dem vore geschribenen hove ze
 Harthûsen / und an der vore geschribenen pfenninge gûlte .
 10b26,10 daz allez halbez unser recht eigen was . haben wir ünsereren teil . und alliu
 diu recht . diu wir an den selben guoten gehabet haben .
 10b26,11 recht . und redelîche verkoufet . und gegeben . dem vore genanten
 Johannesen dem Dahsen . vrouwen Elisabeten . sîner wirtîn / und
 10b26,12 allen iren erben / oder swem si diu selben guot / gebent schaffent . oder
 lâzent . ze habenne . und ze niezenne . êwiclîche und geruowiclîche
 10b26,13 ze rehtem eigene . umbe hundert pfunt . und umbe driu und drîzic pfunt .
 guoter / und gæber Ougesburgær pfenninge . die
 10b26,14 wir bereite von im dâr umbe entvungen haben . und an unseren / und
 unserr erben nutz geleit haben . und haben in ünsereren
 10b26,15 teil . an den selben guoten ûf gegeben . und haben ünser sîn verzigen / mit
 gelêrten worten . und verzîhen ünser offenlîche mit
 10b26,16 disem brieve vüre ünser / und vüre alle unser erben . aller der rehte . diu
 wir dâr an gehabet haben / oder wânten ze habenne . als
 10b26,17 man sich eigenes durch recht verzîhen sol . und als man ez ûf geben sol .
 nâch der stete rehte ze Ougesburc . alsô / daz wir / noch ünserer .
 10b26,18 erben . noch iemant anders von ünsereren wegen / nâch den vore genanten
 guoten vürebaz niemer mêr kein klage . noch kein
 10b26,19 anesprâche . noch keiner slahte recht . gehalten sûlen / noch en mügen /
 weder mit geistlîchem . noch mit wereltlîchem rehten / noch
 10b26,20 mit keiner leie anderen sachen / und daz der vore genant Johannes der Dahs
 . und sîn erben . mit den vore genanten guoten allen tuon / und
 10b26,21 schaffen mügen / swaz si wellent . als mit irem eigenlîchem guote / daz wir
 / noch unser erben . noch iemant anders von unseren wegen .
 10b26,22 si dâr an nihtes engen . noch irren sûlen mit keiner leie sachen . und dâr
 umbe haben wir in ze einer bezzeren sicherheit . in
 10b26,23 geantwûrtet / alle die brieve und hantveste . die wir / umbe unseren teil an
 den vore genanten . guoten inne haben gehabet . und die
 10b26,24 selben brieve sûlen ünser / noch unseren erben / vürebaz keinen nutz /
 noch keinen vrumen bringen daz daz alsô stæte belîbe .

- 10b26,25 und unzerbrochen . dâr umbe geben wir in disen brieve versigelten und
gevestenet . mit der stat ze Ougesburc . insigel . und mit mîn
- 10b26,26 Kuonrâtes des Dahses insigel . diu beidiu dâr an hangent . des sint geziuge
. hêrr Kuonrât der Klockær . und hêrr Heinrîch der Herbort .
- 10b26,27 die dô burgermeister wâren / hêrr Heinrîch der portenær . hêrr Kuonrât
der lanc . hêrr Kuonrât der Gollenhovær . hêrr Kuonrât
- 10b26,28 der Ânesorge . hêrr Pêter der minner . und ander genuoc . der brieve ist
gegeben / dô man zalte von Kristes gebûrte driuzehen
- 10b26,29 hundert jâr und dâr nâch in dem ahtenden . und drîzigsten jâr . an unser
vrouwen âbende ze der lichtmesse .
- 11b26,1 ich Gêrtrût . diu beckîn / hêrrn Heinrîches des backen sæligen witewe /
burgærîn ze Ougesburc . tuon kunt allen den / die disen brieve an
- 11b26,2 sehent . oder hoerent lesen / daz ich hân an gesehen / daz alle mennischen
toetlich sint / und daz nâch der liute tôde . dicke / und ofte krieg
- 11b26,3 ûf stât . umbe daz guot / daz si lâzent / und dâr umbe hân ich vûre
kûnftigen krieg mit verdâhtem muote / und mit guoter vorebetrachtung
- 11b26,4 ze den zîten / dô ich gesunt und starc was . und ze kîrchen / und ze strâze
wole gewandeln mohte mit aller mîner kinde
- 11b26,5 und mit aller mîner tohtermanne / râte / gunst . und guotem willen /
geordenet . und geschaffet . waz mîniu kint . nâch mînem tôde
- 11b26,6 mînes guotes / daz ich lâze . den dûrftigen in dem spitâl . hier ze Ougesburc
. geben sûlen / und alsô schaffe ich und wile . daz mîniu
- 11b26,7 kinde / und mîn erben nâch mînem tôde durch mînes wirtes sæligen sêle
und durch mîner sêle willen / den dûrftigen
- 11b26,8 in dem spitâl . hier ze Ougesburc alliu jâr êwîclîchen geben sûlen den zins
/ und die gûlte / die ûz den vier hîusern /
- 11b26,9 und hovesachen / und boumgarten / alliu jâr gânt / die gelegen sint .
ûzerhalb der stat ze Ougesburc / ûf dem graben
- 11b26,10 zwischen unser vrouwen tore . und dem heiligen kriuze / âne alein / vûnf
/ und drîzic schillinge Ougesburgær pfenninge geltes / der
- 11b26,11 selben gûlte / sûlen mîn erben ûz den selben hîusern / und boumgarten /
geben vore ûz / alliu jâr . in die zeche ze unser
- 11b26,12 vrouwen hier ze Ougesburc ûf diu zil . als her nâch geschriben stât / daz ist
ûf sancte Georjen tac . sol man geben zehen schillinge .
- 11b26,13 pfenninge / und ûf sancte Jakobs tac . sol man geben / zehen schillinge
pfenninge / und ûf sancte Michels tac . sol man geben
- 11b26,14 zehen schillinge . pfenninge / und ûf sancte Martines tac . sol man geben
/ vûnf schillinge pfenninge / ze iegelîchem zile âne schaden
- 11b26,15 tæten si des niht swelichez zil . si denne versæzen / sô sûlen si die
zechmeister sweliche denne zechmeister sint
- 11b26,16 mit dem gerihte . dâr umbe noeten / und beklagen / und sûlen sich der
hîuser . und der boumgarten / underwîten / und
- 11b26,17 dâr umbe inne haben ze iegelîchem zile . biz daz si der pfenninge gewert
werdent / die man in ze dem zile . gegeben solte haben /
- 11b26,18 und swaz diu vore geschribenen vier hîuser . hovesache / und boumgarten
/ mêr geltent . denne diu vore geschribenen vûnf

- 11b26,19 und drîzic schillinge . pfenninge / daz sülen mîniu kinde / und mîn erben
/ alliu jâr . êwiclîche / den dürftigen in dem
- 11b26,20 spitâl . hier ze Ougesburc geben / und sülen / dâr umbe einen gotberât .
koufen / und den selben gotberât sülen
- 11b26,21 mîniu kinde die wîl si lebent / und nâch mîner kinde tôde ire nâhesten
erben under die dürftigen teilen
- 11b26,22 mit ir selbes henden / daz ditz geschefte alsô vollebrâht werde / und stæte
. und unzerbrochen belîbe / dâr umbe
- 11b26,23 hân ich disen brief geheizen gemacht und geschriben . der versigelt . und
gevestenet ist mit der stat
- 11b26,24 ze Ougesburc insigel / daz dâr an hanget . des sint / geziuge . hêrr Kuonrât
der Klockær . und hêrr Heinrîch
- 11b26,25 der Herbort die dô burgermeister wâren / hêrr Rüedegêr der Langemantel
. hêrr Heinrîch der portenær
- 11b26,26 hêrr Kuonrât der lanc . hêrr Kuonrât der Welsær . und ander genuoc . der
brief ist gegeben / dô man
- 11b26,27 zalte von Kristes gebûrte driuzehen hundert jâr / und dâr nâch in dem
ahtenden / und drîzigsten
- 11b26,28 jâr . an sancte Gêtrût tage /
- 12b26,1 ich Johannes Volcwin burgær ze Ougesburc und ich Agnes sîn wirtîn tuon
kunt allen den die disen brief an sehent / oder hoerent lesen / daz wir mit
verdâhtem muote / und mit guoter vorebetrachtunge .
- 12b26,2 und mit aller ünserer erben / und vriunde / râte gunst . und guotem willen
/ ûz unserm hûse und hovesache . und garten / daz hier ze Ougesburc .
vore Striuwingær tore ist . gelegen / und stoezet einhalben
- 12b26,3 an des Motzenhoværs hûs / und hovesache / und anderhalben stoezet ez an
des Viezen garten / daz unser reht eigen ist . und daz iezuo die Vergîn von
Lechhûsen von ünser ze lîben hât . ûz dem
- 12b26,4 selben hûse / und hovesache / und garten / und ûz alliu diu / und dâr
zuo gehoeret / besuochet und unbesuochet . haben wir reht und redelîche
verkoufet . und gegeben alliu jâr . êwiclîchen / ze rehtem eigene
- 12b26,5 zwelif schillinge guoter Ougesburgær pfenninge geltes . dem êrbærn manne
/ hêrrn Uolrîchen dem schrîbær burgær ze Ougesburc . der der siben liechter
die in sancte Mauritien münster hier ze Ougesburc vore
- 12b26,6 des liutpriesters altær brinnent pflegær ist . und hât ouch die selben zwelif
schillinge . Ougesburgær pfenninge geltes . an die selben siben liechter ze
rehtem eigene gekoufet . und dâr umbe hât
- 12b26,7 er ünser gegeben / einlif pfunt guoter / und gæber Ougesburgær pfenninge
die wir bereite von im dâr umbe entvagen haben und an unsern / und
unserr erben nutz geleit haben und sülen
- 12b26,8 wir oder ünserer erben oder in swes gewalt diu eigenschaft des vore
geschribenen hûses und hovesache und garten und swaz dâr zuo gehoeret
hinnen vûre kumet dem vore genanten hêrrn Uolrîchen
- 12b26,9 dem schrîbær oder swer denne der vore geschribenen siben liechter pflegær
ist . ûz dem selben hûse und hovesache und garten / und swaz dâr zuo
gehoert die vore geschribenen zwelif schillinge

- 12b26,10 Ougesburgær pfenninge geltes alliu jâr . êwiclîche geben ze zwein zilen in dem jâr . daz ist ûf sancte Georjen tac sûlen wir in geben sehs schillinge pfenninge und ûf sancte Michels tac sûlen wir ouch .
- 12b26,11 geben sehs schillinge pfenninge ze ietwederem zile . in den nâhesten vierzehen tagen vore . oder in den nâhesten vierzehen tagen dâr nâch und ze swelichem zile wir daz versæzen sô
- 12b26,12 ist den vore geschribenen siben liechten . und dem pflegær swer danne der selben siben liechter pflegær ist . diu eigenschaft . des vore geschribenen hûses / hovesache und gartens und
- 12b26,13 swaz dâr zuo gehoeret / mit allen den rehten und nûten / als wir daz selp hûs hovesache und garten in nutze und in gewer biz her brâht haben von ûnser und von allen unsern erben
- 12b26,14 und nâchkomen in der gewalt diu eigenschaft hinnen vûre kumet . dâr umbe mit rehte zinsvellic worden . und vervallen âne allen krieg . und âne alle widerrede und alsô sûlen wir
- 12b26,15 und alle unser erben der vore geschribenen zwelif schillinge Ougesburgær pfenninge geltes . der vore geschribenen siben liechter und ires pflegærs swer danne der selben liechter pflegær ist
- 12b26,16 reht geweren sîn und sûlen ez in ouch stæten und vertigen vûre alle anesprâche als man eigen durch reht stæten und vertigen sol . nâch eigenes rehte und nâch der stete rehte ze Ougesburc .
- 12b26,17 und würden in / die selben zwelif schillinge Ougesburgær pfenninge geltes von iemanne anesprâche mit dem rehten in den zilen als man eigen durch reht stæten und vertigen
- 12b26,18 sol . nâch der stete rehte ze Ougesburc . die selben anesprâche alle sûlen wir und ûnserer erben in zehant nâch irer manunge in dem nâhesten mânôde verrihten und entloesen nâch diser
- 12b26,19 stete rehte âne allen iren schaden / tæten wir des niht . swaz si danne der selben anesprâche schaden næmen den sûlen wir in ouch zehant gar und genzlîchen ab tuon und
- 12b26,20 gelten âne allen krieg und âne alle widerrede man sol ouch wizzen daz der vore geschribenen siben liechter pflegær swer danne ire pflegær ist . die vore geschribenen zwelif
- 12b26,21 schillinge Ougesburgær pfenninge geltes alliu jâr . der stat ze Ougesburc sûlen verstiuren / nâch der stete rehte ze Ougesburc daz daz alsô stæte belîbe und unzerbrochen dâr umbe geben wir
- 12b26,22 disen brief versigelten und gevestenet mit der stat ze Ougesburc insigel . und mit mîn Johannesen des Volcwines insigel diu beidiu dâr an hangent des sint geziuge hêrr
- 12b26,23 Kuonrât der Klockær und hêrr Heinrîch der Herbort . die dô burgermeister wâren hêrr Heinrîch der portenær . hêrr Kuonrât der lanc hêrr Uolrîch der Ravenesburgær hêrr Kuonrât
- 12b26,24 der Gollenhovære hêrr Kuonrât der Ânesorge hêrr Pêter der minner / und ander genuoc der brief ist gegeben dô man zalte von Kristes gebûrte driuzehen hundert jâr . und dâr nâch in
- 12b26,25 dem ahtenden und drîzigsten jâr . an unser vrouwen âbende in der vasten .

13b26,1 ich Adelheit / hêrrn Heinrîches des Kouburgærs wirtîn / burgærîn ze
 Ougesburc tuon kunt allen den / die disen brief an sehent . oder hoerent
 13b26,2 lesen / daz ich mit verdâhtem muote / und mit guoter vorebetrachtunge /
 und mit mînes vore genanten wirtes râte und willen
 13b26,3 und mit Kuonrâtes / und Uolrîches der Dilingær mîner oeheime / und mit
 ander mîner vriunde râte gunst . und guotem willen
 13b26,4 ein pfunt Ougesburgær pfenninge geltes / daz mîn vorderr wirt hêrr
 Heinrîch der geil sælic vore eteswie vile jâren reht und
 13b26,5 redelîche koufete ze rehtem eigene . im / und mir und unsern erben / ûz
 Uotzen Sîbôtes des becken hûse . und hovesache . daz
 13b26,6 gelegen ist under den obern becken hier ze Ougesburc zwischen der
 Nagenræmstîn hûse / und Karles des zingiezærs
 13b26,7 hûse . als diu hantveste seit / die Uotz Sîbôt mînem vordern wirt sæligen
 und mir gap . über den selben kouf . versigelt
 13b26,8 mit der stete ze Ougesburc insigel . daz selp pfunt Ougesburgær pfenninge
 geltes . daz mîn rehtez eigen ist gewesen / hân ich
 13b26,9 vüre ein ledigez / und unverkümbertez guot / reht und redelîche verkoufet
 . und gegeben ze rehtem eigene mînes vore genanten
 13b26,10 vordern wirtes . hêrrn Heinrîches des geilen sæligen pflegærn / die er im
 bî sînem lebentigem lîbe ze sînem sêlgerâte .
 13b26,11 ze pflegærn erwelt und erkoren hât . daz ist Heinrîch Spæglîn / Kuonrât
 Hegenberc / Kuonrât Sigehart . Heinrîch
 13b26,12 der geil / Albreht der schuolær / und Burchart der Vedær . burgær ze
 Ougesburc und hânt mir die selben êrbær liute
 13b26,13 umbe daz selp pfunt Ougesburgær pfenninge geltes gegeben drithalbez .
 und zweinzic pfunt . und vûnf schillinge guoter
 13b26,14 und gæber Ougesburgær pfenninge die ich bereite von in dâr umbe
 entvungen hân / und die ich an mînen nutze geleit hân und
 13b26,15 daz selp pfunt Ougesburgær pfenninge geltes / sol der ob genant Uotz Sîbôt
 . oder sîn erben oder in swes gewalt sîn vore geschribenez
 13b26,16 hûs . und hovesache hinnen vüre kumet / den vore genanten pflegærn .
 und iren nâchkomen hinnen vüre êwiclîchen elliu jâr
 13b26,17 geben ûz dem selben hûse und hovesache . ûf den heiligen tac ze
 wîhenehten / oder in den nâhesten vierzehen tagen / dâ vore
 13b26,18 oder in den nâhesten vierzehen tagen dâr nâch in der wîse . und in der
 bescheidenheit / und in allem dem rehten . als
 13b26,19 diu hantveste seit . die der selp Uotz Sîbôt . mir und mînem vordern wirt
 sæligen gap . umbe daz selp pfunt pfenninge geltes
 13b26,20 versigelt mit der stete ze Ougesburc insigel . die ich den vore genanten
 pflegærn / ouch in geantwûrtet und gegeben
 13b26,21 hân ez sûlen ouch die vore genanten pflegær . und ire nâchkomen . daz selp
 pfunt pfenninge geltes . alliu jâr geben
 13b26,22 armen liuten durch mînes vore genanten wirtes sæligen sêle willen / swâ /
 si dunket von iren triuwen / dâ ez allerbezzist
 13b26,23 bestatet sî / und swenne der vore genanten pflegær einer gestirbet . sô sûlen
 die andern / die dâ lebentic sint beliben zehant
 13b26,24 einen andern pflegær zuo in nemen und sol der denne allen den gewalt hân
 . den der gehabet hât an des stat er genomen

- 13b26,25 ist . und alsô sol ich den vore genannten pflegærn . daz vore geschriben pfunt
Ougesburgær pfenninge geltes stæten und vertigen vüre
- 13b26,26 alle anesprâche / als / man eigen durch recht stæten . und vertigen sol nâch
der stete rehte ze Ougesburc und wûrde in daz
- 13b26,27 vore geschriben pfunt Ougesburgær pfenninge geltes / von iemende
anesprâche mit dem rehten in den zilen . als man eigen durch recht
- 13b26,28 stæten . und vertigen sol nâch der stete rehte ze Ougesburc die selben
anesprâche sol ich oder mîn erben in verrihten . und entloesen
- 13b26,29 âne allen iren schaden / tæten wir des niht . swaz / si der selben anesprâche
denne schaden næmen den sûlen wir in allen
- 13b26,30 gar . und genzlîchen ab tuon und gelten . âne allen krieg und âne alle
widerrede daz daz alsô stæte belîbe . und unzerbrochen .
- 13b26,31 dâr umbe gibe ich in disen brief versigelten . und gevestenet / mit der stete
insigel . ze Ougesburc daz die burgær
- 13b26,32 durch mîn bete dâr an hânt gehangen / des sint geziuge . hêrr Kuonrât der
Klockær . und hêrr Heinrîch der Herbort . die
- 13b26,33 dô burgermeister wâren hêrr Rüdegêr der Langemantel . hêrr Heinrîch
der portenær . hêrr Heinrîch der Stolzhirz hêrr Kuonrât
- 13b26,34 der lanc hêrr Kuonrât der Ânesorge und ander genuoc / der brief ist
gegeben . dô man zalte von Kristes gebûrte driuzehen
- 13b26,35 hundert jâr . und dâr nâch in dem ahtenden / und drîzigsten jâr . an dem
næhesten vrîtage nâch sancte Johannes
- 13b26,36 tage . ze sunnewenden .
- 14b26,1 ich Vriderîch von Vrîberc . lantvoget ze Ougesburc . und wir / Uolrîch /
und Heinrîch von Vrîberc
- 14b26,2 sîn bruoder / und ich Heinrîch / des vore genannten hêrrn Vriderîches von
Vrîberc sun / verjehen offênliche
- 14b26,3 an disem brieve . und tuon kunt allen den / die in lesent . sehent . oder
hoerent lesen . daz wir
- 14b26,4 die bûntnüsse / und den vride . den unser hêrr keiser Ludewîc . und ander
hêrrn . und stete
- 14b26,5 gemacht . und gesworen hânt . mit guotem willen gesworen haben / ze
leistenne / und ze
- 14b26,6 haltenne / in aller der wîse . und in der bescheidenheit / als der
bûntnissebrief seit . der
- 14b26,7 über die selben bûntnüsse gemacht . und gegeben ist . der versigelt / und
gevestenet ist . mit
- 14b26,8 ünserers hêrrn keiser Ludewîges insigel . und des ze urkûnde geben wir
disen brief
- 14b26,9 versigelten / mit unser vore genannter drîer gebruoder insigeln / diu alli
dâr an hangent . und
- 14b26,10 wan ich vore genannter Heinrîch / hêrrn Vriderîches von Vrîberc sun niht
eigenes insigels hân / sô
- 14b26,11 binde ich mich mit mînen triuwen / under mînes vaters insigel . allez daz
stæte ze haltenne .
- 14b26,12 und ze leistenne / daz hier vore an disem brieve von mir ist geschriben . der
brief ist gegeben .

- 14b26,13 dô man zalte von Kristes gebürte . driuzehen hundert jâr . und dâr nâch in dem ahtoden
- 14b26,14 und drîzigesten jâr . an dem næhesten vrîtage . vore sancte Thomas tage . vore wîhenehten
- 15b26,1 ich Hiltgunt . diu Prîolîn / hêrrn Heinrîches des Prîoles sæligen witewe / burgærîn ze Ougesburc . tuon kunt allen den / die disen brief an sehent . oder hoerent lesen . daz
- 15b26,2 ich mit verdâhtem muote / und mit guoter vorebetrachtunge . und mit râte . gunst . und guotem willen / mîner lieben tohtermanne / und mîner lieben tœhter / Kuonrâtes des
- 15b26,3 Goltohsen . vrouwen Annen sîner wirtîn . Johannesen Vogellînes / Katrînen sîner wirtîn . Johannesen des Prîoles mînes sunes . Agnesen sîner wirtîn / und Kuonrâtes des jungen
- 15b26,4 vischærs . und Elisabeten sîner wirtîn / und mit aller anderr mîner erben / râte / gunst / und guotem willen mînen dritteil . des badehûses . daz man nennet .
- 15b26,5 daz mûrbat . und daz mîn . und mîner erben reht lêhen was . von unserm genædigen hêrrn / bischove Heinrîchen von Ougesburc . und von dem goteshûse
- 15b26,6 ze Ougesburc . verkoufet . und gegeben hân . reht . und redelîche . vûre ein ledigez . und unverkumbertez guot / und vûre ein rehtez lêhen . dem bescheidenem manne /
- 15b26,7 Johannesen dem Langemantel . burgær ze Ougesburc . vrouwen Katrînen sîner wirtîn . und allen iren erben / oder swem si den selben dritteil . des badehûses
- 15b26,8 gebent / verkoufent . schaffent . oder lâzent . umbe vûnftehalbez . und sehtzic pfunt . guoter / und gæber Ougesburgær pfenninge / die ich dâr umbe von in entvangen
- 15b26,9 hân / und dâ mit ich mînen geltærn . den ich gelten solte vergolten hân . mit der bescheidenheit / und mit dem gedinge . daz den vore genanten . Johannesen den
- 15b26,10 Langemantel . vrouwen Katrînen sîner wirtîn / und iren erben . alliu jâr werden sol ze rehtem zinse . und ze rehter gûlte / driu pfunt / guoter und gæber
- 15b26,11 Ougesburgær pfenninge geltes . von dem dritteile / des badehûses . und ein wîsôt . ze wîhenehten . daz ein schillinges Ougesburgær pfenninge wert ist . und ze
- 15b26,12 ôstern hundert eier . und haben wir alliu / daz selp lêhen ûf gegeben . in unsers vore genanten lêhenhêrrn bischoves Heinrîches von Ougesburc .
- 15b26,13 hant . und haben geschaffet . daz er ez Johannesen dem Langemantel . vrouwen Katrînen sîner wirtîn / und iren erben ze rehtem lêhene hât verlihen .
- 15b26,14 und alsô sûlen wir . ich . diu vore genant Prîolîn und die vore genanten mîn tohtermanne / und mîn tœhter Johannes mîn sun / vrouwe Agnes sîn wirtîn /

- 15b26,15 wir elliu unverscheidenlîche / der ofte genanten . Johannesen des Langemantels . vrouwen Ketrînen sîner wirtîn . und aller irer erben / des vore geschribenen
- 15b26,16 dritteiles . des badehûses . und des vore geschribenen geltēs . daz dâ von gehoeret reht gewern sîn / und sûlen ez in stæten . und vertigen vûre alle
- 15b26,17 anesprâche . als man lêhen durch reht stæten . und vertigen sol . nâch der stete rehte ze Ougesburc . und nâch des landes rehte . und wûrde ez
- 15b26,18 in von iemanne anesprâche mit dem rehten in den zilen . als man lêhen durch reht stæten . und vertigen sol . nâch der stete rehte ze Ougesburc . und
- 15b26,19 nâch des landes rehte . die selben anesprâche sûlen wir in verrihten . und entloesen âne allen iren schaden . tæten wir des niht . swaz si der
- 15b26,20 anesprâche denne schaden nement . den sûlen wir in allen ab tuon / und gelten gar . und genzlîchen . âne allen krieg . âne alle widerrede . und âne
- 15b26,21 allez rehtes . daz den vore genanten / Johannesen dem Langemantel . vrouwen Katrînen sîner wirtîn . und allen iren erben daz alsô stæte belîbe . und unzerbrochen .
- 15b26,22 dâr umbe geben wir in disen brief versigelten . mit der stete ze Ougesburc insigel . daz dâr an hanget . und mit des vore genanten Kuonrâtes
- 15b26,23 des Goltosen . insigel . und mit des vore genanten Johannesen des Prîoles insigel . diu beidiu ouch dâr an hangent . und wan wir vore genanten /
- 15b26,24 Johannes der Vogellîn / und Kuonrât der junge vischær . der Prîolîn tohtermanne . niht eigener insigel haben . sô binden wir ünser mit
- 15b26,25 unsern triuwen in eides wîse under der stete ze Ougesburc gagenwûrtigez insigel . allez daz stæte ze leistenne . und ze habenne . swaz dâ vore von
- 15b26,26 ünser an disem brieve ist geschriben / des sint geziuge / hêrr Kuonrât der Ânesorge . und hêrr Johannes Vogellîn die dô burgermeister wâren . hêrr
- 15b26,27 Heinrîch der portenær . hêrr Kuonrât der lanc . hêrr Heinrîch der Stolzhirz . hêrr Herbort . hêrr Johannes Râtvalt . und ander genuoc . der
- 15b26,28 brief ist gegeben . dô man zalte von Kristes gebûrte driuzehen hundert jâr . und dâr nâch in dem ahtenden . und drîzigesten jâr .
- 15b26,29 an dem heiligen âbende ze wîhenehten
- 16b26,1 ich Agnes diu Hanganorîn burgærîn ze Ougesburc . und ich Heinrîch Hurnûs burgær ze Ougesburc . tuon kunt allen den / die disen brief an sehent / oder hoerent lesen . dô wir ünser gesameneten mit vriuntschaft . nâch ünserer beider
- 16b26,2 gemeiner vriunde . râte und willen alsô daz ich Agnes diu Hanganorîn mîn tochter Agnesen gegeben hân dem vore genanten Heinrîchen dem Hurnûs ze einer êlîchen wirtîn / und daz ich Heinrîch Hurnûs . die selben
- 16b26,3 vrouwen Agnesen genomen hân ze einer êlîchen wirtîn dô wart zwischen unser alsô gerâtet . und geteidinget . daz ich Agnes diu Hanganorîn mîner tochter Agnesen / gegeben hân ze rehter heimstiure zuo irem wirte
- 16b26,4 Heinrîchen dem Hurnûs zwei hundert pfunt Ougesburgær pfenninge / und gelîchen erbeteil mit andern mînen kinden / an eigene / an lêhene / an erbeguote / an erbelêhene an zinslêhene / an lîpdinge . besuochet und unbesuochet

- 16b26,5 swie ez geheizen ist sô hân ich Heinrîch Hurnûs mîner vore genanten wirtîn vrouwen Agnesen gegeben ouch ze rehten heimstiure . und ze widerlegunge / zwei hundert pfunt Ougesburgær pfenninge / und
- 16b26,6 swenne wir zesamene gelât werden sô sûlen wir diu vore geschribenen vier hundert pfunt Ougesburgær pfenninge / zehant ûf einander erben / ez ist ouch gerâtet und geteidinget . daz ich vore genantiu Agnes . hêrrn Heinrîches .
- 16b26,7 des Hurnûs wirtîn wir gewinnen kinde mit einander oder niht . mit dem guote daz ich hân oder gehabt mac . über diu vore genanten zwei hundert pfunt pfenninge . die mînem wirt hêrrn Heinrîchen dem Hurnûs
- 16b26,8 iezuo von mir ze heimstiure worden sint des mîn vrouwe mîn muoter getriuwiu pflegærîn sîn sol . die wîl si lebet . gewalt hân ze tuon / und ze schaffenne swaz ich wile . und mac ez geben / und schaffen / bî mînem gesundem
- 16b26,9 lîbe . oder an mînem siechbette . swem ich wile . daz mich dâr an mîn wirt hêrr Heinrîch der Hurnûs . noch mîniu kinde ob ich kinde bî im gewinne noch ieman anders nihtes engen noch irren sol . mit
- 16b26,10 keinen sachen / wær ouch daz ich mîn vrouwen mîn muoter überlebete und daz ich stürbe vore mînem vore genanten wirt hêrrn Heinrîchen dem Hurnûs . und im niht kinde lieze diu ich bî im hæte gewonnen
- 16b26,11 swaz mich danne guotes nâch mîner muoter tôde an gevallen ist . ez sîe eigen oder lêhen erbeguot zinslêhen oder swie ez geheizen ist . besuochetez . und unbesuochetez daz sol allez mîniu gewistergîde nâch mînem
- 16b26,12 tôde wider an vallen und sol in gar und genzlîche werden und belîben âne alle widerrede . wær aber daz ich stürbe vore mînem vore genantem wirt hêrrn Heinrîchen dem Hurnûs . und im kinde lieze
- 16b26,13 diu ich bî im hæte gewonnen sô sûlen diu selben mîniu kinde . erben / und haben vore ûz allez mîn guot / daz ich lieze ez sîe eigen . lêhen / erbeguot . erbelêhen . lîpdinc ligentez / oder varende guot / besuochetez . und
- 16b26,14 unbesuochetez / swie ez geheizen ist ich habe ez gehabt bî mîner muoter lebentigem lîbe . oder ez sîe mich nâch mîner muoter tôde ze erbeschafft an gevallen / und an den selben guoten diu von mir dar komen sint / sulen hêrrn
- 16b26,15 Heinrîches des Hurnûs mînes wirtes êrsten kinde von erbeschafft wegen noch von keiner leie andern sachen nâch mînem tôde keiner slahte anesprâche . noch keiner slahte reht haben . wær ouch / daz ich vore genanter
- 16b26,16 Heinrîch der Hurnûs stürbe vore mîner vore genanten wirtîn vrouwen Agnesen sô sol si diu vore geschribenen vier hundert pfunt Ougesburgær pfenninge / die wir beidenthalben ze heimstiure . und ze widerlegunge . einander
- 16b26,17 haben gegeben . haben ûf allem mînem guote daz ich ze Lougingen hân / âne alein ûf dem sehsteile der selben guote der mîner êrsten kinde vore ûz ist . und die vûnf teile der selben guote ze Lougingen sol si
- 16b26,18 haben und niezen mit allen den rehten und nützen / und dâr zuo gehoerent und sûlen ire rehtez pfant sîn unz an die zît / daz mîniu kinde . diu ich bî mîner vordern wirtîn vrouwen Annen sæligen gehabt

- 16b26,19 hân und diu kinde diu ich bî mîner vore genanten wirtîn . vrouwen Agnesen hân ob daz ist . daz si kinde bî mir gewinnet . diu selben guot in jârs vrist nâch mînem tôde . umbe diu selben . vier hundert
- 16b26,20 pfunt pfenninge von ir loesent und wær daz ünsereriu kinde . diu selben guot ze Lougingen von mîner wirtîn vrouwen Agnesen umbe daz selp gelt . in jârs vrist alsô niht lôsten sô mac si diu selben guot
- 16b26,21 an grîfen und mac si versetzen und verkoufen und mac allez daz dâ mit tuon daz ein vrouwe mit irem rechten redelîchen pfande tuon sol / und mac nâch der stete rehte ze Ougesburc unz an
- 16b26,22 die zît daz si der vore geschriben vier hundert pfunde pfenninge gar und ganzlîche verriht und gewert wirdet . und setze ir dâr umbe ze bûrgen zuo mir und zuo mînen erben unverscheidenlîchen
- 16b26,23 mînen lieben sweher hêrrn Heinrîchen den Herborten / und mînen lieben swâger Albrehten den stolzen hirz burgær ze Ougesburc mit der bescheidenheit ob mîner vore genanten wirtîn vrouwen
- 16b26,24 Agnesen an den guoten ze Lougingen der vore geschribenen vier hundert pfunde pfenninge ihtesiht ab gienge daz si von den selben guoten niht gar und ganzlîchen verriht noch gewert möhte werden
- 16b26,25 swaz ir danne an den selben guoten dannoch ûz lît daz sûlen ir mîn erben und mîn vore genanten bûrgen / ûz rihten . und ervollen / âne allen krieg und âne alle widerrede wær aber daz ich
- 16b26,26 stürbe vore mîner vore genanten wirtîn vrouwen Agnesen und ir kinde lieze diu si bî mir hæte gewunnen diu selben kinde . und mîniu êrsten kinde diu ich bî mîner vordern wirtîn sæligen gehabet hân
- 16b26,27 sulen gelîche mit einander erben . allez mîn guot daz ich lâze . ez sîe eigen lêhen erbeguot erbelêhen zinslêhen lîpdinc / ligentez / oder varendez guot besuochetez / und unbesuochetez swie ez geheizen ist . in aller der
- 16b26,28 wîse als ob si von einer muoter geboren wæren âne alein diu guot / diu her nâch benennet . und geschriben stânt . diu sûlen mînen êrsten kinden / nâch mînem tôde vore ûz werden . daz ist ein sehsteil der
- 16b26,29 guote ze Lougingen ein stadel der gelegen ist an dem Rindermarket . ze Ougesburc zwei hiuser diu gelegen sint vore Hûstetær tore ze Ougesburc . zwei lêhen ze Pobingen und ein hov ze Slipfshein diu
- 16b26,30 ob genanten guot alliu sulen mînen êrsten kinden nâch mînem tôde vore ûz werden und belîben . wan si diu selben guot . nâch irer muoter sæligen tôde geerbet hânt daz daz alsô stæte belîbe und unzerbrochen
- 16b26,31 dâr umbe haben wir disen brief geheizen gemacht . und geschriben der versigelt ist mit der stete ze Ougesburc insigel . und mit der vore genanten bûrgen hêrrn Heinrîches des Herborten und Albrehtes des
- 16b26,32 stolzen hirzes insigeln diu alliu dâr an hangent . und wir die vore genanten ich Agnes diu Hanganorîn und ich Heinrîch der Hurnûs ire tohterman binden uns mit unsern triuwen . under der stete gagenwûrtigez
- 16b26,33 insigel . allez daz ze haltenne und ze leistenne / swaz dâ vore an disem brieve von uns stât geschriben / sô verjehen wir die vore genanten bûrgen ouch offelîche mit disem brieve alles des . daz hier vore
- 16b26,34 von uns ist geschriben und dâr umbe haben wir ze einem wâren urkûnde ünsereriu insigel / mit guotem willen / an disen brieve gehankt des sint geziuge hêrr Kuonrât der Ânesorge . und hêrr Johannes

- 16b26,35 Vogellîn die dô burgermeister wâren hêrr Heinrîch der portenær . hêrr
Heinrîch der Stolzhirz hêrr Herbort . hêrr Johannes Râtalt . und ander
16b26,36 genuoc der brief ist gegeben dô man zalte von Kristes gebûrte driuzehen
hundert jâr . und dâr nâch in dem niunden und drîzigesten jâr . an sancte
Urbânes tage
- 17b26,1 ich Kuonrât der Stotzhart burgær ze Ougesburc . tuon kunt allen den / die
disen brief . an sehent . oder hoerent lesen . daz ich mit verdâhtem muote
/ und mit guoter vorebetrachtunge .
17b26,2 und mit vrouwen Rîchenzen . mîner wirtîn râte . und willen . und mit
aller unser erben / und vriunde . gunst . und guotem willen / ûz mînen
steinhûse .
17b26,3 und hovesache . und ûz dem briuhûse . daz ze nâhest dâr an stoezet . dâ
ich iezuo mit wesene inne bin / von vornân . biz hin hinder als verr diu selp
17b26,4 hovesache gât diu zuo dem selben hûse gehoeret . und daz gelegen ist . in
unser vrouwen pfarr . und stoezet einhalben . an der juden badehûs . und
daz
17b26,5 mîn rehtez eigen ist . und ouch ein ledigez . und unverkümbertez guot
ist . verkoufet . und gegeben hân / reht . und redelîche / ûz dem selben
steinhûse /
17b26,6 und hovesache . und ûz dem briuhûse . vûre ein rehtez eigen . zwei pfunt
. guoter Ougesburgær pfenninge geltes . der zeche ze dem tuome hier ze
17b26,7 Ougesburc / umbe . vierzic pfunt . Ougesburgær pfenninge / die ich von
hêrrn Uolrîchen dem Ravenesburgær / und von hêrrn Pêtern dem minner
. die dô der
17b26,8 selben zeche pflegær wâren / dâr umbe entvungen hân . und an mînen und
mîner erben nutz geleit hân / mit der bescheidenheit / daz ich . und alle
17b26,9 mîn erben . und nâchkomen . oder in swes gewalt mîn vore geschribenez
steinhûs / und hovesache / und briuhûs . hinnen vûre kumet . diu vore
17b26,10 geschribenen zwei pfunt Ougesburgær pfenninge geltes . alliu jâr
êwiclîchen . geben sûlen . der vore genanten zeche ze unser vrouwen .
oder iren
17b26,11 vore genanten pflegærn . oder swelhe danne der selben zeche pflegær sint .
ûf sancte Georjen tac . oder in den nâhesten . ahte tagen . dâ vore . oder
17b26,12 in den nâhesten / ahte tagen . dâr nâch / und sweliches jârs . ich . oder
mîn erben / oder in swes gewalt mîn vore geschribenez steinhûs . und
hovesache /
17b26,13 und briuhûs hinnen vûre kumet . versæzen . daz wir diu vore geschribenen
zwei pfunt Ougesburgær pfenninge niht gæben / in der wîse .
17b26,14 und in der bescheidenheit . als dâ vore geschriben stât . sô ist der vore
genanten zeche ze dem tuome / mîn vore geschribenez steinhûs . hovesache
. und briuhûs . und swaz dâr zuo gehoert mit rehte . und âne alle irrunge .
17b26,15 dâr umbe zinsvellic worden . und vervallen . âne alle
17b26,16 widerrede . und alsô sûlen ich . und mîn erben . der vore geschribenen
zweier pfunde Ougesburgær pfenninge geltes . der vore genanten zeche .
und

- 17b26,17 irer pflegær . reht gewern sîn / und sülen ez in stæten . und vertigen . vüre
 alle anesprâche / als man eigen durch reht stæten . und vertigen
 17b26,18 sol . nâch der stete rehte ze Ougesburc . und dâr umbe setze ich der zeche
 . und iren pflegærn ze einem rechten gewern . zuo mir / und
 17b26,19 zuo mînen erben . unverscheidenlîchen / den bescheiden man / Uolrîchen
 den küninc / burgær ze Ougesburc . mit der bescheidenheit . ob der
 17b26,20 vore genanten zeche . oder iren pflegærn . diu vore geschribenen zwei pfunt
 Ougesburgær pfenninge geltes . von iemanne anesprâche würden mit
 17b26,21 dem rechten . in den zilen . als man eigen . durch reht . stæten . und
 vertigen sol . nâch der stete rehte . ze Ougesburc . die selben anesprâche
 17b26,22 sülen ich . und mîn erben vore genanter gewer der vore geschribenen zeche
 . und iren pflegærn . verrihten / und entloesen .
 17b26,23 âne allen iren schaden . tæten wir des niht . swaz des / die vore genant
 zeche . oder ire pflegær schaden næmen . den selben schaden sülen /
 17b26,24 ich und mîn erben / und mîn vore genanter gewer . der vore genanten .
 zeche . und iren pflegærn . gar und genzlîchen ab tuon / und gelten /
 17b26,25 âne allen krieg . und âne alle / ez sol ouch diu vore genant zeche / diu vore
 geschribenen zwei pfunt Ougesburgær pfenninge geltes .
 17b26,26 alliu jâr . êwiclîchen . diser stat verstiuren / nâch diser stete rehte . hier ze
 Ougesburc . daz daz alsô stæte belîbe und unzerbrochen .
 17b26,27 dâr umbe gibe ich der zeche ze unser vrouwen disen brief versigelten . und
 gevestenet . mit der stat ze Ougesburc . insigel . und mit
 17b26,28 mînem insigel . und mit mînes vore genanten gewern insigel . diu alliu dâr
 an hangent / des sint geziuge / hêrr Heinrîch der Stolzhirz .
 17b26,29 und hêrr Kuonrât der lanc . die dô burgermeister wâren . hêrr Heinrîch der
 portenær . hêrr Herbort . hêrr Johannes der Welsær . hêrr Johannes
 17b26,30 Vogellîn . und ander genuoc / der brief ist gegeben . dô man zalte von
 Kristes gebûrte driuzehen . hundert jâr . und dâr nâch in dem
 17b26,31 niunden . und drîzigesten jâr . an sancte Michels âbende .
- 18b26,1 ich Uolrîch der Mauc . des alten Stotzhartes . sæligen eninklîn burgær ze
 Ougesburc . tuon kunt allen den . die disen brief an sehent . oder hoerent
 lesen . daz ich mit
 18b26,2 verdâhtem muote / und mit guoter vorebetrachtung . und mit râte willen
 . und gunst aller mîner erben . und vriunde . mîn hûs / hovesache . und
 boumgarten .
 18b26,3 daz an der Bleiche gelegen ist . und einhalben stoezet an der Zelrær . eigen
 . und anderhalben stoezet ez an die langen . gazzen . daz mîn rehtez
 18b26,4 eigen was . und daz ouch der dræhsel iezuo von mir ze lîben hât . und
 jærgelîchen dâ von gît ze zinse ahtzehen schillinge Ougesburgær pfenninge
 /
 18b26,5 und gît die halbe ûf sancte Johannes tac . ze sunnewenden . und halbe ûf
 sancte Gallen tac . ze ietwederem zile / ahte tage . vore / oder ahte tage
 18b26,6 dâr nâch . nâch lîpdinges rehte . daz selp vore genant hûs . hovesache .
 und boumgarten . und swaz dâr zuo gehoeret / ob erde . und under erde .
 und
 18b26,7 ze beiden sîten . besuochetz / und unbesuochetz / swie ez geheizen ist .
 mit allen den rechten . und nützen . und ez giltet . und als ich ez biz her

- 18b26,8 brâht hân . vüre ein ledigez unverkümbertez guot / und vüre ein rehtez eigen . reht . und redelîche verkoufet . und gegeben hân . dem bescheidenem
- 18b26,9 manne . Uolrîche . dem schrîbær . der Winkelærîn tohtermanne . burgær ze Ougesburc . diu er an diu siben liechter diu vore dem kriuzaltær
- 18b26,10 ze sancte Mauritien hangent . ze rehtem eigene gekoufet hât . umbe sibenzehen pfunt Ougesburgær pfenninge / die ich bereite von im dâr umbe entvangen
- 18b26,11 hân / und an mînen . und mîner erben nutz geleit hân . und haben ich und mîn erben . daz vore genant hûs . hovesache . und boumgarten .
- 18b26,12 und swaz dâr zuo gehoeret / dem vore genanten Uolrîche dem schrîbær . und den vore geschribenen siben liechern ze rehtem eigene . ûf gegeben .
- 18b26,13 und hân mich sîn verzigen offenlîche mit disem brieve / vüre mich . und vüre alle mîn erben als man sich eigenes durch reht verzîhen sol . und
- 18b26,14 als man ez ûf geben sol . nâch der stete rehte hier ze Ougesburc . und alsô sulen ich . und mîn erben . des vore genanten . hûses . hovesache . und
- 18b26,15 boumgarten . und swaz dâr zuo gehoeret / Uolrîche des schrîbærs . und der siben liechter reht gewern sîn / und sülen ez in ouch stæten . und vertigen
- 18b26,16 vüre alle anesprâche . als man eigen durch reht stæten / und vertigen sol . nâch eigenes rehte . und nâch der stete rehte ze Ougesburc . und dâr umbe
- 18b26,17 hân ich in ze bürgen gesatzet . zuo mir unverscheidenlîchen . Kuonrâten den Stotzhart . und Dietrîchen den Hotter burgær ze Ougesburc . mit der bescheidenheit . ob in daz vore genant hûs . hovesache und boumgarte .
- 18b26,18 von iemanne anesprâche würde mit dem rehten . in den zilen / als man eigen durch
- 18b26,19 reht stæten . und vertigen sol . nâch der stete rehte . ze Ougesburc . die selben anesprâche alle / sol ich / und mîn erben . und die vore genanten bürgen .
- 18b26,20 in zehant . dâr nâch in dem næhesten mânôde . gar . und genzlîchen . ûz rihten . und entloesen nâch diser stete rehte . âne allen iren schaden / tæten
- 18b26,21 wir des niht / swaz si der anesprâche danne schaden næmen . den sol ich . und mîn erben . und mîn vore genant bürgen in ouch zehant allen
- 18b26,22 gar und genzlîchen . ab tuon und gelten / âne alle widerrede . si sülen ouch elliu jâr . daz vore genant hûs hovesache . und boumgarten . den burgærn
- 18b26,23 hier ze Ougesburc . verstiuren vüre ahtzehen schillinge pfenninge geltes . man sol ouch wizzen . swanne Uolrîche der schrîbær niemer en ist . sô sol daz
- 18b26,24 vore genant . hûs . hovesache . und boumgarte . an gevallen . die pflegær der zeche . dâ ze sancte Mauritien . sweliche danne der selben zeche pflegær
- 18b26,25 sint . und sülen die danne diu siben lieht . dâ von besorgen . âne alle geværde . sô si bezziste mügen daz in daz stæte belîbe . und unzerbrochen .
- 18b26,26 dâr umbe gibe ich disen brieve versigelt mit der stete ze Ougesburc insigel . und mit der vore genanten bürgen insigeln . diu alliu dâr an hangent .
- 18b26,27 dâr under ich Uolrîch Mauc mich binde mit mînen triuwen . ze haltenne . und ze leitenne swaz dâ vore geschriben stât . wan ich eigenes insigels
- 18b26,28 niht hân . des sint geziuge hêrr Heinrîch der Stolzherz . und hêrr Kuonrât der lanc . die dô burgermeister wâren . hêrr Heinrîch der portenær . hêrr

- 18b26,29 Herbort . hêrr Kuonrât / und hêrr Johannes die Welsær . und ander genuoc
 18b26,30 . der brieve ist gegeben . dô man zalte von Kristes gebürte driuzehen
 hundert jâr . und in dem niundem . und drîzigesten jâr . an sancte Thomas
 âbende . vore wîhenehten
- 19b26,1 wir Heinrîch der Herbort . und Pêter der minner / die dô der stat ze
 19b26,2 Ougesburc . bûmeister wâren . tuon kunt allen den / die disen
 brieve an sehent . oder hoerent lesen . daz wir mit hêrrn Heinrîches des
 19b26,3 stolzen hirzes / und hêrrn Kuonrâtes des langen . die dô
 burgermeister wâren / und mit der râtgeben râte . und willen unsern turn
 / der geheizen ist des Gogellînes turn .
 19b26,4 und gelegen ist . hinder dem Râm / und swaz zuo dem selben turne
 gehoeret obenân . und undene . gelihen haben Berhtolten
 19b26,5 dem zimbermanne . vrouwen Liutgart / sîner wirtîn / und iren erben . mit
 der bescheidenheit . daz si alle die wîl
 19b26,6 und si den selben turn verwesen mûgen / der stete bûmeistern alliu jâr
 geben sûlen vûnf schillinge Ougesburgær
 19b26,7 pfenninge ze zwein zilen in dem jâr . daz ist ûf sancte Johannes tac ze
 sunnewenden sûlen si geben
 19b26,8 drîzic pfenninge / und ûf sancte Thomas tac vore wîhenehten sûlen si ouch
 geben . drîzic Ougesburgær pfenninge
 19b26,9 wær aber daz der ob genant Berhtolt der zimberman / oder sîn erben den
 selben turn niht / verwesen möhten
 19b26,10 sô sûlen in der stete bûmeister geben . zwei pfunt Ougesburgær pfenninge
 / wan si die selben pfenninge ûf
 19b26,11 den selben turn verbûwen hânt . daz daz alsô stæte belîbe . und
 unzerbrochen . dâr umbe geben wir in disen
 19b26,12 brieve versigelt mit der stete ze Ougesburc . kleinem insigel . daz dâr an
 hanget . der gegeben ist . dô man zalte von
 19b26,13 Kristes gebürte / driuzehen hundert jâr . und in dem vierzigesten jâr . an
 dem næhesten mentage / vore unser
 19b26,14 vrouwen tage ze der lichtmesse .
- 20b26,1 ich Kuonrât der Alpershover . burgær ze Ougesburc . tuon kunt / allen den
 / die disen brieve an sehent . oder hoerent lesen . daz ich mit verdâhtem
 muote .
 20b26,2 und mit guoter vorebetrachtunge . und mit vrouwen Annen mîner wirtîn /
 und mit Kuonrâtes mînes sunes râte . und willen / und mit ander mîner
 20b26,3 erben . und vriunde gunst / und guotem willen / ûz mînem beckenhûse .
 und hovesache . und ûz elliu diu / und dâr zuo gehoert / daz gelegen
 20b26,4 ist hier ze Ougesburc . in sancte Uolrîches pfarr . und stoezet obenân an
 Sîvrides des Ilsunges . steinhûs . und undene . stoezet ez an die gazzen .
 20b26,5 gein des Ravenesburgærs hûse . und stoezet hinden an mîn briuhûs . daz
 mîn reht eigen ist . und ein ledigez unverkümbertez guot ist .
 20b26,6 reht . und redelîche ze rehtem eigene . verkoufet . und gegeben / ûz dem
 selben beckenhûse . und hovesache . ein pfunt gæber / und guoter
 20b26,7 Ougesburgær pfenninge geltes . den siben lichtern / die dâ hangent vore
 des liutpriesters altær . ze sancte Mauriten ze Ougesburc . daz hêrr

- 20b26,8 Uolrîch der alt schrîbær . der / der selben liechter pflegær ist . von mir
gekoufet hât / umbe niunzehen pfunt / und umbe zehen schillinge
20b26,9 gæber . Ougesburgær pfenninge / die ich von in dâr umbe entvungen hân .
und an mînen . und mîner erben . nutz geleit hân . mit der bescheidenheit
/
20b26,10 daz ich / und alle mîn erben . und nâchkomen / oder in swes gewalt mîn
vore geschribenez beckenhûs .. und hovesache . hinnen vûre .
20b26,11 kumet . ûz dem selben beckenhûse . und hovesache . elliu jâr êwiclîchen .
geben sûlen dem vore genanten liehtern . und iren vore genanten
20b26,12 pflegær . hêrrn Uolrîchen dem alten schrîbær . oder swer danne der selben
liechter pflegær ist . ein pfunt gæber Ougesburgær pfenninge geltes . ûf
sancte
20b26,13 Georjen tac . oder in den nâhesten ahte tagen dâ vore . oder in den
nâhesten ahte tagen dâr nâch / und sweliches jârs / ich / oder mîn erben .
20b26,14 oder in swes gewalt . daz vore genante beckenhûs . und hovesache . kumet .
versæzen / daz wir den vore geschribenen liehtern / und irem vore genanten
20b26,15 pflegær / oder swer danne der selben liechter pflegær ist . daz vore genante
pfunt Ougesburgær pfenninge geltes . alliu jâr hinnen vûre êwiclîchen .
20b26,16 niht gæben . ûf daz vore genant . zil . sô ist den vore geschribenen liehtern
/ und irem pflegær . mîn vore genantez beckenhûs . und
20b26,17 hovesache . und swaz dâr zuo gehoeret dâr umbe mit rehte zinsvellic / und
ledic worden . âne allen krieg . und âne alle widerrede .
20b26,18 und alsô sûlen ich und alle mîn erben . des vore geschribenen pfundes
Ougesburgær pfenninge geltes . der vore geschribenen liechter / und ires
20b26,19 pflegærs . rehter gewer sîn . und sol . ez in stæten / und vertigen vûre alle
anesprâche . als man eigen durch reht stæten . und
20b26,20 vertigen sol nâch der stete rehte ze Ougesburc . und würde in daz selp pfunt
Ougesburgær pfenninge geltes . von iemanne anesprâche mit dem
20b26,21 rehten . in den zilen . als man eigen durch reht stæten . und vertigen sol .
nâch der stete rehte hier ze Ougesburc . die selben
20b26,22 anesprâche sûlen ich und mîn erben . in verrihten . und entloesen / âne
allen iren . schaden . tæten wir des niht . swaz si der
20b26,23 selben anesprâche danne schaden næmen . den sûlen wir in allen ab tuon
und gelten . âne allen krieg . und âne alle widerrede
20b26,24 man sol ouch wizzen . daz der ganc . der hinden gât zwischen mînem
briuhûse / und Sîvrîdes des Ilsunges hûse . hin ab zuo der
20b26,25 privât . ûf den Lech mînem vore genanten beckenhûse gemeine sol sîn .
und daz man den selben ganc . niht verbûwen sol .
20b26,26 dâr zuo sol man wizzen . daz der vore genant Uolrîch der schrîbær . oder
swer der vore geschribenen liechter pflegær ist . daz vore
20b26,27 genant pfunt Ougesburgær pfenninge geltes . alliu jâr êwiclîchen . der stat
ze Ougesburc verstiuere sol . nâch der stete rehte .
20b26,28 mêr sol man wizzen . swenne der vore genante Uolrîch der alt schrîbær
gestirbet . daz ich / und mîn erben . und nâchkomen . denne
20b26,29 daz vore geschriben pfunt Ougesburgær pfenninge geltes . geben sûlen /
ûz dem vore geschribenen beckenhûse . der zeche pflegærn
20b26,30 ze sancte Mauritien sweliche danne pflegær sint . und sûlen ez die an die
vore geschribenen liechter geben . in aller der wîse .

- 20b26,31 als dâ vore ist . geschriben / daz daz alsô stæte belîbe . und unzerbrochen
/ dâr umbe gibe ich in disen brief versigelt mit der
- 20b26,32 stat ze Ougesburc insigel . und mit mînem insigel . diu beidiu dâr an
hangent . des sint geziuge hêrr Heinrîch der portenær
- 20b26,33 und hêrr Kuonrât der Herbort . die dô burgermeister wâren . hêrr Heinrîch
/ der Stolzhirz . hêrr Kuonrât der lanc . hêrr Herbort
- 20b26,34 hêrr Kuonrât der Ânesorge . und ander genuoc . der brief ist gegeben dô
man zalte von Kristes gebûrte driuzehen hundert jâr .
- 20b26,35 und in dem vierzigesten jâr . an sancte Franziskan tage
- 21b26,1 ich Sîvrit . der Zuosmeckær genant der jegær / burgær ze Ougesburc . tuon
kunt allen den . die disen brief an sehent / oder hoerent lesen . daz ich mit
verdâhtem
- 21b26,2 muote / und mit guoter vorebetrachtunge und mit vrouwen Elisabeten
mîner wirtîn und ouch aller anderr mîner erben . râte gunst und guotem
willen ûz mînem
- 21b26,3 hûse hovesache und garten . dâr ich iezuo mit wesene inne bin und swaz
dâr zuo gehoert besuochetez und unbesuochetez swie ez geheizen ist daz
mîn rehtez eigen
- 21b26,4 ist / und daz gelegen ist hier ze Ougesburc / under den lederærn zwischen
den Lechen . und stoezet einhalben / an daz hûs und hovesache . daz wîlent
des Suppanes was / und anderhalben stoezet ez an .. des Kûfringærs des
vleischheckels gesæze / und ouch ûz alliu diu / und dâr zuo gehoert reht
unde
- 21b26,6 redelîche verkoufet und gegeben hân . ze rehtem eigene vûnvzehen
schillinge guoter und gæber Ougesburgær pfenninge geltes den bescheiden
mannen .
- 21b26,7 Kuonrâten dem Hegenberc und Albrehten dem schuolær dem lederær . der
zeche pflegær ze sancte Mauritien hier ze Ougesburc . und der
- 21b26,8 zeche dâ selben und allen den . die hinnen vûre . der selben zeche pflegær
werdent . ze habenne und ze niezenne êwiclîche und geruowiclîche vûre ein
ledigez unbekûmbertez guot / umbe sechzehen pfunt guoter und gæber
Ougesburgær pfenninge / die ich von in dâr umbe bereite entvangen / und
în genomen
- 21b26,10 hân . und an mînen / und mîner erben nutz geleit hân . und sol ich / und
mîn erben oder in swes gewalt / daz vore genante hûs / hovesache und garte
hinnen vûre kumet . der vore genanten zeche ze sancte Mauritien hier ze
Ougesburc . oder den / die denne der selben zeche pflegær sint die vore
geschribenen vûnvzehen
- 21b26,12 schillinge Ougesburgær pfenninge geltes . hinnen vûre jærgelîch geben /
âne allez verziehen . ûf den pfingesttac / ahte tage vore oder ahte tage nâch
. und sweliches
- 21b26,13 jârs wir daz versæzen / daz wir / die vore geschribenen vûnvzehen schillinge
Ougesburgær pfenninge geltes . der zeche ze sancte Mauritien hier ze
Ougesburc / oder den
- 21b26,14 die denne pflegær sint niht gæben . ûf daz zil / als vore geschriben stât sô
ist der selben zeche und den pflegærn dâ selben . daz vore geschriben

- 21b26,15 hûs / hovesache und garte / und swaz dâr zuo gehoert / dâr umbe mit rehte
zinsvellic worden . und vervallen âne allen krieg / und âne alle widerrede .
- 21b26,16 und alsô / sol ich / und mîn erben / den ob genanten zwein pflegærn .
und der vore genanten zeche die vore geschribenen vûnvzehen schillinge
Ougesburgær pfenninge
- 21b26,17 geltes . stæten / unde vertigen vûre alle anesprâche / und ir reht gewern
sîn / als man eigen durch reht stæten und vertigen sol / nâch eigenes rehte
/ und nâch
- 21b26,18 der stete rehte hier ze Ougesburc . und würden in / oder der ê genanten
zeche / die vore geschribenen vûnvzehen schillinge Ougesburgær pfenninge
geltes . von
- 21b26,19 iemanne anesprâche / mit dem rechten . in den zilen als man eigen durch
rehte stæten / unde vertigen sol nâch eigenes rehte / und nâch der stete
- 21b26,20 rehte hier ze Ougesburc . die selben anesprâche . sol ich / und mîn erben .
in / und der vore genanten zeche zehant gar und genzlîchen verrihten
- 21b26,21 und entloesen / âne allen iren schaden . tæten wir des niht swaz si der
selben anesprâche denne schaden næmen den selben schaden sûlen wir
- 21b26,22 in / und iren nâchkomen . die danne / der selben zeche pflegær sint zehant
allen ab tuon / und gelten / âne allen krieg / und âne alle widerrede
- 21b26,23 daz daz alsô stæte belîbe . und unzerbrochen . dâr umbe gibe ich in disen
briev versigelten . und gevestenet mit der stete ze Ougesburc . insigel . daz
dâr
- 21b26,24 an hanget / des sint geziuge . hêrr Heinrîch der Herbort und hêrr Johannes
der Vogellîn / die dô burgermeister wâren / hêrr Herbort / hêrr Pêter
- 21b26,25 der minner hêrr Berhtolt der backe / hêrr Heinrîch der backe . hêrr
Johannes der Tiusmer / und anderr genuoc der briev ist gegeben . dô man
zalte
- 21b26,26 von Kristes gebûrte driuzehen hundert jâr / und dâr nâch in dem einen und
vierzigesten jâr an dem vrîtage vore sancte Bartholomeus tage